

四庫全書

史部

欽定四庫全書

史部

浙江通志卷二百四十五

詳校官給事中_臣戴璐

檢討_臣德生覆勘

總校官編修_臣倉聖脉

校對官中書_臣李荃

謄錄監生_臣張士琛

欽定四庫全書

浙江通志卷一百四

列女

杭州府

餘杭縣

晉

孝婦嚴氏

咸淳臨安志餘杭人夫孝明失其姓嚴氏事姑以孝聞咸康五年火時孝明父喪在

家未葬而孝明適出嚴氏仰天號哭火為之滅郡以表聞詔旌門閭

元

姚孝女

元史本傳餘杭人居山谷間夫出刈麥姚居家執爨母何氏往汲澗水久而不至俄聞覆

水聲亟出視則虎銜其母以走姚倉卒往逐之即以手毆其脇隣人競執器械以從虎乃置之去姚負母以歸求藥療之奉養二十餘年而卒

明

吳迪妻石氏

成化杭州府志夫亡時年二十五男師曾在襁褓恪守婦道鄉人咸重其節洪

武初旌表年八十一而卒

符氏二節

錢德洪符氏雙節傳李氏符景第妻也年十八歸景第踰年而自稱曰吾病羸弗勝

子盍納妾以輔吾符從之卜錢塘楊姓女納之側室以妹呼之既而李舉子名曰驗八歲景第亡李年二十有六楊年二十有四李逆其心能同已謂之曰吾病羸不能事事乃率其子與其内外政盡屬之楊亦欣代其勞然必稟命而後行家日豐裕立義田以贍宗族縣尹議旌於朝李命驗固辭止之乃旌其堂曰雙節

盛治妻丁氏

成化杭州府志年二十四而夫亡遺二子暉三歲昭在襁褓舅姑迫哀暮氏飲泣敬事之撫教其遺孤

有樹立成化年旌表

翁隆妻沈氏

萬歷杭州府志歸翁事舅姑以孝稱年二十七隆罹危疾氏刲股營救既歿苦

節終身至八十歲卒嘉靖年旌表

周珪妻路氏

餘杭縣志年二十三而珪亡遺孤經在襁褓悲號嘔血幾絕踰年其父念女貧

苦令改適氏厲聲曰不更二夫常節也此志一移不獨受辱且呱呱者誰與育之卒撫經成立經旋

歿氏與婦楊氏矢節

撫孫卒年七十三

趙氏二節

杭州府志潘氏趙懷誠妻沈氏懷誠弟懷珍妻也懷誠卒母盛氏以哭子卒懷珍哭

兄哭母又卒懷誠有遺孤甫週二氏交撫之未幾遺孤又亡二氏泣相語曰天禍我家一至此顧翁

老誰為釁者三靈朝夕誰奠一杯羹吾二人未可死逮翁續娶姑撒靈除服二人相約夜沐浴櫛髮

密縫襟裾闔扉閉一室中並縊而死
潘年二十三沈年十九事聞旌表

沈氏二節

餘杭縣志葛氏沈起妻年二十四夫亡遺二孤曰木曰禾貧不能塋柩停於家會隣

人失火氏出二孤自抱棺曰吾甘同燼耳卒之火
環燬而氏廬屹留後遇大飢有諷之嫁者謂不當
為二孤求活耶氏厲色拒之連餒瀕死隣貽野菜
薪絕折檻得金釵一股人詫為天賜云子木妻周
氏年二十三木天遺孤煥然周氏忍死苦節日
夜績紡奉孀姑課子機杆傍煥然感奮成名

夏氏二節

餘杭縣志夏之謨妻盛氏第曰瑚妻亦盛
氏謨瑚俱疫死謨妻年二十二無嗣瑚妻
年十九懷孕三月謨妻欲自盡謂其孀曰汝有遺
腹宜保愛母得顧我孀勸曰姑俟之倘生男當與
姆共守否則偕死未晚也後
生男名一振紡績撫孤成立

王氏二節

杭州府志洪氏王元春妻朱氏其副也朱
生子同亨方襁褓元春病卒時洪年二十
五朱年二十二共誓守志日勤
績紡以撫遺孤臺憲表其閭

沈應登妻徐氏

杭州府志年十七應登死號泣欲殉姑曲諭止之因守制與姑形影相弔

姑病刲股獲愈人稱節孝

董珏妻王氏

餘杭縣志年二十三珏卒二孤鬻所居不蔽風雨飢餓瀕死自矢不嫁撫二

孤以底於成守節五十餘年卒

徐校妻褚氏

餘杭縣志年二十夫亡無子氏誓死不懈紡自給婢賽金雜作耕種佐主母

茶苦人兩難之

陳肺妻馬氏

餘杭縣志二十四歲夫亡遺孤大紅艱難撫字紅尋夫遺孫嘉忠週歲媳改嫁

氏忍飢哺孫苦節三十餘年

孫湖妻薛氏

餘杭縣志年二十夫亡姑憐其無出氏抱前妻三歲孤泣曰未亡人守此耳有

欲奪其志者氏引刀斷指誓死無悔撫子成立

金子賢妻鮑氏

餘杭縣志年二十一夫亡家貧姑徐氏雙瞽氏朝夕紡績饘粥不給而姑

養無缺姑卒號擗營塋撫三月孤備嘗艱苦

吳金妻謝氏

徐璞妻邵氏

吳木妻高氏

黃裳妻張氏

邵世祿妻鮑氏

方希稷妻王氏

李世嘉妻周氏

李日昌妻葛氏

吳杏芳母賈氏

王袞妻郎氏

董汝洽妻費氏

高乾妻喻氏

高世賢妻韓氏

應爵妻褚氏

應恒妻高氏

盛朝鼎妻吳氏

許自靖妻吳氏

國朝

董天楷妻朱氏

題旌冊年二十七而寡事姑孝教子嚴尤善視前妻之女撫無母之姪防

身如律至老戚屬未有識其面者守節三十五年

康熙三十九年具題奉

旨建坊旌

表

嚴啟燾妻方氏

題旌冊年二十二而寡事舅姑以孝稱繼堂姪為子訓以義方守節六十

旨建坊旌表
三年雍正五年具題奉

李維城妻蔡氏

題旌冊年十九夫亡子生甫三月舅繼卒姑婦孀居日事女紅以給朝夕

其母勸之他適氏泣曰李氏一門凋零殆盡惟此一塊肉忍舍而去耶吾將上事下撫不負吾夫而已母遂止卒能孝姑訓子姑老耄尚在堂子早歲遊庠守節三十四年雍正十三年具題候旌

曹六姑

杭州府志曹以恒女年十五許字錢塘洪珽未婚珽歿計至六姑易服欲奔喪孀嫂力阻

乃止康熙壬子母病劇刲股以進不應母死泣曰昔之夫亡不死者以有老母在今母已死何用生

為乃經於母柩

側年三十一

吳氏二節

餘杭縣志李氏吳繼川妻川艱於嗣氏毀

三十應年未及二十遺腹得男拮据以完喪塋
事姑撫子備嘗艱苦且交相敬愛終身無間言

潘棟妻張氏

餘杭縣志棟卒氏年二十生子士榮方
過歲撫育教誨至年十九甫入泮遽卒

氏同媳陳氏又守節遺腹子穀
及長遊庠氏年八十二而卒

董淳妻周氏

舊浙江通志婚歲餘而夫亡遺孤方三
月績紡膳姑甘旨無缺會有兵災周病

卧床曰生不如速死
為愈也絕粒而卒

沈駿妻朱氏

杭州府志年二十七駿夭氏截髮投棺
中以明志遺一女一子方襁褓氏事姑

生養死塋嫁女鞠子備
極艱辛年八十二卒

孫鳳垚妻方氏

公舉事實年三十而寡遺孤三人氏教之讀書鬻產為修脯費後家計日

微而訓課愈切竟成其子延及孫曾皆列庠序守節五十餘年卒年八十三

翁學賢妻施氏

公舉事實年二十五夫亡無子姑老旁無伯叔其姊勸之嫁勿聽事姑純

孝歲歟饘糲糲而姑養不缺姑病瘵十年左右侍奉不少懈氏出自農家夫亦以耕為業然節孝性成自居孀以後以老姑在堂從不歸寧撫從子又死終於無嗣里人咸悲之

孫之最妻潘氏

施所懷妻曹氏

吳化行妻李氏

盛功妻郁氏

董潤妻范氏

盛宗圻妻王氏

狄喬妻沈氏

董玉照妻朱氏

董士奇妻馬氏

許國臣妻沈氏

孫克美妻何氏

徐一養妻孫氏

萬士鰲妻曹氏

邵應朝妻黃氏

邵廷俞妻黃氏

孫光美妻包氏

丁辰妻黃氏

王大謨妻姚氏

鮑之澧妻翁氏

王師貞妻虞氏

章可亨妻宋氏

章可望妻聞氏

宋良仕妻金氏

董浣妻徐氏

邵衡甫妻吳氏

王孚于妻鮑氏

邵思恩妻鮑氏

臨安縣

明

俞洪妻鍾氏

萬歷杭州府志臨安人洪卒氏年二十
八二孤俱襁褓撫育成立教仲子琳讀

書舉進士封太淑人壽

八十三弘治年旌表

郎旺妻沈氏

嘉靖臨安縣志年二十六喪夫生一子珺方五月柏舟自誓事舅姑甚孝撫孤

成立視前妻之子瑾琅無異已子壽終八十二歲

翁論妻程氏

萬歷杭州府志年十八夫亡子潮甫辟勵志守節奉養舅姑撫孤成立孀居四

十餘年嘉靖年旌

高燦妻童氏

嘉靖臨安縣志年二十六而燦亡長子在襁褓次子在腹氏欲自盡姑勸而止

勤蠶織孝事翁姑教育二子成立孀居二十七年始終一節

趙璠妻胡氏

嘉靖臨安縣志夫卒氏年二十一生一子父母欲奪其志氏引刀斷髮不復歸

寧日勤紡績以事舅姑年七十有八

高煜妻金氏

萬歷杭州府志嫁半載夫亡氏年十八遺腹生一女舅姑憐其少寡欲改適以

死誓守節五十餘

年嘉靖年旌表

汪清妻徐氏

嘉靖臨安縣志年二十二夫亡二子在襁褓父母欲令再適徐氏以死自誓事

舅姑不違禮

年幾九十

童瑢妻郎氏

嘉靖臨安縣志夫亡子良能甫十月父母俟服闋欲令再適氏誓以死守竟莫

能奪孝事舅姑育子

成人孀居四十年

駱祥妻吳氏

萬歷杭州府志年十九夫亡子松方二歲氏屢欲自盡為家人所救事姑教子

克盡孝慈守

節四十餘年

鄭貞女

舊浙江通志許字高邨未婚邨卒女不改嫁孀居七十載隆慶年旌表

胡氏二節

臨安縣志高氏胡遵妻年二十四夫卒遺子三歲次尚在腹矢死靡他高氏胡連妻

年二十七夫亡與遵妻高氏稱一門雙節

郎氏二節

臨安縣志鍾氏郎伯億妻伯億病篤氏割股救之延二載億復病仍割股不可救時

年二十一遺孤大沛娶洪氏未半載大沛又亡洪年方十六竊縊從死鍾覺諭之曰爾志誠可嘉爾姑奉侍者何人乃忍死勤紡績以度日姑病侍奉不倦洪固節婦亦孝婦也

高氏二節

臨安縣志郎氏高待妻年二十三待亡守男金盤長娶媳童氏盤復亡童年十八姑

媳孀居備嘗艱苦巡按給扁曰雙節齊芳

高儒妻吳氏

舊浙江通志年二十孀居孝於舅姑和於妯娌壽登百歲撫按表其廬

鄭仲金妻高氏

杭州府志年二十五夫死子甫六月氏孝翁姑操井臼禮法自持年七十

如一日天
啟問旌表

劉生芳妻俞氏

臨安縣志進士俞可弘女于歸未幾會明末遭兵難氏曰義不敢辱先人

遂自經俄而兵入見氏屍驚去逾
一載改塋面目如生衣衫不毀

俞可鈺妻方氏

臨安縣志年十八夫死撫前妻戚氏二子於襁褓明末兵起懼失節閉門

自縊越二十日始
就殮顏色如生

徐桂芳妻施氏

杭州府志明末為亂兵所執欲污之不從脇以刃氏奪刀自刎兵怒醢之

盛鼎妻胡氏

臨安縣志明季避兵四竄氏抱子甫二歲與夫相失懼不免見路旁古井棄子

於地投井死越日兵退鼎覓妻至井邊見幼子獨坐地以手指井撈得屍人羨氏之死而異其子之生

威應麟妻鍾氏

俞應奎妻高氏

高德行妻洪氏

高堵妻鄭氏

高翥妻汪氏

高申妻童氏

鄭國相妻孟氏

姚炳妻楊氏

鄭轅妻俞氏

俞雲鶴妻胡氏

俞承勲妻吳氏

盛渠妻徐氏

汪觀妻鄭氏

胡績妻徐氏

高鞏妻鮑氏

童守道妻高氏

高倣妻方氏

翁坤妻方氏

高金珍妻袁氏

程坎妻郎氏

胡有望妻章氏

鄭朝佐妻朱氏

鄒學孔妻章氏

羅世奇祖母徐氏

施于治母蔣氏

鄭南金妻徐氏

胡應聘妻童氏

國朝

許森妻朱氏

題旌冊年十八而寡投繯救甦復絕食
舅姑勸慰再三乃食事舅姑孝繼姪為

旨建坊旌表
嗣守節五十餘年康熙四十四年具題奉

徐濬妻童氏

題旌冊年二十五夫亡勤紡績以養姑
姑沒力營宅兆教遺孤不為姑息守節

五十
二年

俞仲韓妻盛氏

題旌冊年二十九夫亡一子未離襁
褓稍長命就傅修脯皆出自十指子

讀書有成守節二十五年以上
二氏俱雍正十三年具題旌

徐若姐

舊浙江通志徐祝陞女許聘俞姓子早卒女年方十三聞訃大慟請往弔欲殉姑力止之

遂廬墓守制奉事舅姑甚謹未幾舅姑亦亡無倚還父家以處女終身苦節三十五年

鄭貞女

舊浙江通志幼字程一瓏年十七未婚夜夢夫叩門永訣翼日訃聞氏服縞素稟父往見

死者之面至樞前慟哭幾絕遂執婦道不復歸守節終身卒年七十有三

高氏二節

臨安縣志杜氏高玗妻年十八夫亡敬事公姑繼姪弘晟為子晟娶俞氏婚三月晟

死無子奉姑堅守厲志弗渝杜氏八十四歲卒俞五十六歲卒

鄭氏二節

臨安縣志汪氏鄭士俊妻二十六歲而寡程氏鄭士英妻二十三歲而寡汪無出程

二子汪繼其一妯娒矢志愛若同胞五十年如一日

程瑀妻張氏

高祀昌妻童氏

鄭紹中妻汪氏

程師臯妻胡氏

俞日省妻汪氏

胡堯臣妻俞氏

駱上選妻程氏

程鵬遠妻郎氏

胡汝縉妻盛氏

高起宗妻江氏

高金新妻程氏

胡駿發妻徐氏

俞汝驛妻高氏

汪金丹妻許氏

胡秉覺妻鄭氏

俞燮臣妻童氏

高弘晨妻徐氏

孟世達妻孫氏

高宗亮妻陳氏

章學夢妻水氏

施之藩妻阮氏

盛友謙妻汪氏

翁文忠妻高氏

錢志選妻周氏

於潛縣

唐

莫氏婦何氏

咸淳臨安志於潛莫氏之婦夫死年猶盛誓不嫁養姑至孝黃巢亂後羣盜嘯

聚山谷鄰里皆奔徙何氏以姑疾不可俱行抱姑涕泣賊至號慟丐賊曰吾數年寡居以有姑耳今

姑老且病不忍去願貸姑死吾死不恨賊捨其姑掠何氏去至巢穴將污之殺他婦女植刃使懼何氏詭請櫛沐更衣賊許使人伺之須臾具粧澤舉止自如伺者懈遂解襦自經賊義而瘞之

宋

劉貞女

咸淳臨安志於潛人許嫁同里進士凌大淵已請期而凌卒劉聞之號慟告父母曰兒聞

女子以死生不易為節兒已許凌君固吾夫也兒將易服奔喪父母曰汝未嘗身踐其庭何遽若此劉泣曰以身許人而背之乎有死而已從之於是廬哀赴夫家臨柩伏哭盡哀終喪乞夫兄之子以養為之娶婦至於抱孫白首不易其志

寶祐間縣令呂沆表其居曰烈女坊

明

張俊妻盛氏

萬歷杭州府志俊早卒周旋艱險教子成立寡居六十年弘治年旌表

顧廷玉妻伍氏

萬歷杭州府志年二十八喪夫守節四十年教子有方事姑以孝弘治年

旌表

金貞女

於潛縣志盛惠妻聘而未娶惠卒告於父母往奔喪誓死守節養夫兄子為嗣年五十卒

嘉靖間旌表

童貞女

舊浙江通志許聘俞允讓未婚允讓病篤請於父母往視之夫隨歿哀慟嘔血數升絕而

復甦終喪守志年七十餘卒

潘邦輔妻方氏

於潛縣志年二十四夫卒舅姑俱存子萬初甫一歲家貧值奇荒氏手辟

鑑親井曰以度歲後漸充拓子
若孫皆有成立年七十七卒

沈某妻胡氏

杭州府志夫坐累死舅姑
繼歿氏殯殮畢從容自鳩

謹按縣志作陳氏
婦胡氏未詳孰是

張氏二節

於潛縣志阮氏張恒鑑妻夫亡年二十舉
遺腹子茹苦三十年未嘗見齒子允治繼

室董氏年二十八夫亡
崎嶇避難訓子成立

盛氏三節

於潛縣志徐氏盛傳妻夫亡年二十二紡
績撫孤藐藐四十餘年趙氏盛儻妻年二

十四夫喪無子撫姪為嗣金氏盛伍妻夫亡年未
三十諸子幼撫訓皆有成立三氏皆通判盛德子
婦德殲寇盡瘁而三氏
克承家範並以節著

沈二姑

於潛縣志仁和人少習書知大義父名皇恩以鬻線為生年十二許聘於潛俞國柱遺瘵

疾死計至女悲號不自勝請於父母往視舍具留侍姑瘞兩閱月後歸省父母留女不遣女坐卧一樓縞服茹素摺片紙為主手書夫姓名生死月日祀焉題詩藏奩篋以貞烈自矢至崇禎己巳年十

九矣適有媒議婚女聞遂夜繫夫聘書并主縫於

楊衣啟後扉赴渠水死巡按具題旌之為合塋焉

黃良富妻周氏

王嘉濟妻張氏

黃釗妻王氏

章天傑妻王氏

黃金妻蔣氏

郎夔妻沈氏

金琦妻謝氏

徐泗妻潘氏

湯材妻高氏

何以仁妻徐氏

金珏妻席氏

金濤妻徐氏

謝瑾妻阮氏

章璿妻吳氏

張祖應妻趙氏

謝傑妻章氏

趙璋妻何氏

童克讓妻俞氏

朱豪妻張氏

鍾子琴妻鮑氏

阮承聖妻韓氏

張裕妻方氏

張夔妻舒氏

謝廷柏妻張氏

阮秉道妻王氏

盛造妻金氏

張思凝妻阮氏

童允科妻徐氏

童大顯妻姚氏

章樵妻方氏

楊夢日妻張氏

潘樛芳妻董氏

何大章妻陳氏

鍾福妻周氏

鍾相妻阮氏

鍾煉妻何氏

張仲文妻盛氏

童桂妻陸氏

國朝

阮鳴瑄妻姚氏

題旌冊年二十三而夫卒事舅姑撫子閨門嚴肅惟一老婢給使令守節

四十三年

駱名寀妻趙氏

題旌冊年二十五而寡長子三歲次在腹舅以哭子失明繼姑又病氏獨

持門戶孝慈兼盡

守節四十九年

謝又閔妻潘氏

題旌冊年二十而寡無子繼姪二人為後事太姑翁姑孝守節五十六年

以上三氏俱雍正三年具題奉

旨建坊旌表

謝古箴妻程氏

題旌冊年二十一而寡無子父母欲奪其志氏引刀自剄以救免事孀姑

孝撫姪為嗣守節四十三年雍正四年具題奉

旨建坊旌表

俞國璽妻謝氏

題旌冊年二十五而寡事繼姑孝撫子成人守節四十六年

張庚妻方氏

題旌冊年二十九而寡遺娠生子艱辛鞠育有成守節三十二年

鍾正家妻朱氏

題旌冊年二十而寡事孀姑撫遺腹子守節四十一年

湯樂中妻張氏

題旌冊年二十二而寡撫遺腹子事舅姑孝養三十餘年族有貧病而鬻

其妻者氏償其值得完聚守節五十五年

金振麟妻許氏

題旌冊年十九而寡遺孤襁褓上奉孀姑下撫弱子健持門戶守節六十

一年 以上五氏俱雍正六年具題奉旨建坊旌表

何斐然妻黃氏

題旌冊年二十九而寡事舅姑孝舅以應試卒旅邸氏親奔喪歸塋事姑

益謹教子讀書極隆
師傳守節三十五年

顧子玉妻徐氏

題旌冊年二十八而寡姑早喪舅患
瘋疾卧床者十年氏侍奉湯藥無懈

撫子及孤姪有成守節三十年
以上二氏俱雍正七年具題奉

旨建坊旌表

俞震隆妻周氏

題旌冊年二十九而寡事翁姑孝教
子以義方守節四十八年雍正九年

旨建坊旌表

具題奉

金文煜妻方氏

題旌冊年二十七而寡事
姑撫子守節三十五年

章鴻文妻潘氏

題旌冊年二十五而寡勸翁納妾
生子悉心撫養守節二十八年

阮錫圭妻駱氏

題旌冊年二十五而寡事舅撫子守節三十三年以上三氏俱雍正十

一年具題奉

旨建坊旌表

盛一鵬妻俞氏

於潛縣志年二十八夫亡艱難困苦哺育二子未幾長子死次子亦死遺

一孫又死氏痛夫無後呼天搶地而卒

盛森雲妻周氏

於潛縣志森雲貧無立錫身染惡疾氏以十指供湯藥畧無倦怠年二十

二夫卒力營殮墓撫遺孤苦節守貞

章子德妻許氏

於潛縣志年二十四夫逝艱難撫子子尋殀守節五十餘年

童金煥妻張氏

方錫妻伍氏

方冕妻何氏

方一心妻伍氏

金汀妻張氏

金輝妻雍氏

潘淳妻童氏

伍金謨妻張氏

張恒達妻陳氏

楊夢啟妻邱氏

顧學思妻何氏

顧其紳妻童氏

謝邦賢妻余氏

謝朝賓妻駱氏

周仲之妻王氏

章棣妻阮氏

謝光曜妻周氏

顧其勝妻謝氏

顧舜漁妻阮氏

謝士升妻張氏

謝嘉美妻何氏

俞國器妻盛氏

章美達妻方氏

伍明遠妻趙氏

陸士斗妻許氏

謝國俊妻何氏

伍應兆妻俞氏

盛皞如妻馮氏

盛鍾聖妻金氏

方名盛妻章氏

周士樞妻盛氏

周士翼妻張氏

朱朝武妻陳氏

金希尹妻呂氏

陳迅妻沈氏

新城縣

元

馬驥妻章氏

成化杭州府志新城人驥亡遺一子方四歲舅姑且老章氏上奉下撫子遂以

明經領至正二年浙江鄉薦章氏教之也里人賢之號曰貞母

明

方澤妻邵氏

萬歷杭州府志新城義民邵鑑女年二十歸澤不數年澤患疽氏親吮之不能

救長子椿二歲次尚在腹中氏斃機杼間晝夜飲泣教子力學年六十四卒正德年旌其門

凌信達妻王氏

萬歷杭州府志吳江人歸新城凌信達為繼室視前子如已出信達卒氏

年甫十八誓不再適孀居五十餘年冰蘖如一嘉靖間壽八十而終

萬月娘

兩浙名賢錄萬制三女許聘羅麓未結褵而麓卒月娘欲奔喪父母固止遂浣粉澤為夫

行服未幾父將改字月娘曰天可容二日乎踰年父卒月娘年甫二十事母極孝日與母躬紡績闔門謹守終於家

諸用與妻嚴氏

萬歷杭州府志用與卒氏年二十六生男一撫養成立嘉靖間年八十終

羅繪妻白氏

新城縣志年未笄歸繪不五載而繪亡生子一誠甫閱月氏以事死存孤自矢

紡績訓子以壽考終

徐瀚妻王氏

新城縣志年二十一生子大誠甫七日瀚卒矢志不移教子成立壽九十七終

徐正傳妻馮氏

新城縣志年十七歸徐未踰年正傳以父卒哀毀致疾尋亦逝遺子振鷺

方襁褓氏苦節自勵食貧紡績事姑撫子四十年

方大受妻袁氏

杭州府志字任娘年十九大受卒氏矢志不易孝翁姑中年子復喪率寡

媳凌氏撫孫成立

袁奈妻黃氏

新城縣志年二十八奈卒無子氏繼姪自臯為嗣守身無玷壽七十七而終

國朝

高搏妻羅氏

題旌冊年二十一而寡遺孤襁褓氏食貧茹荼奉舅姑生事死塋無憾教子有

法度守節三十年康熙四十一年具題奉
旨建坊旌表

袁堦妻鍾氏

題旌冊年十八歸表生二子而寡守節三十七年

張士啟妻陸氏

題旌冊年十九而寡遺孤未週氏孝養舅姑撫子成立以上二氏俱雍

旨建坊旌表
正二年具題奉

徐二瓚妻盧氏

題旌冊年二十七而寡投繯救免乃勤紡績力農桑為翁姑及夫營塋撫

子成人守
節五十年

徐文卿妻潘氏

題旌冊年二十而寡事姑孝撫姪為嗣子夙媳與孫又踵亡骸骸孤苦守

旨建坊旌表
節三十一年
以上二氏俱雍正七年具題奉

沈喜魁妻凌氏

題旌冊年二十七而寡欲從死舅姑諭以撫孤乃止子名純年教之讀書

為諸生守節

三十一年

袁崙妻潘氏

題旌冊年二十八而寡事哀翁孝教子有成守節五十年

徐霖妻郎氏

題旌冊年二十一而寡無子育姪為嗣守節三十年

袁名立妻趙氏

題旌冊年二十五而寡事舅姑撫子守節二十九年以上四氏俱雍正九

旨建坊旌表

年具題奉

周甸妻陳氏

題旌冊早喪母事父極孝又善撫幼弟遇歲歉以麪食其父與弟而已啗糠粃

甸父聞其賢聘為子婦順治二年方寇肆虐與姑避難山中寇至將刃其姑氏直前救護寇斃其色

曰爾從我我釋爾姑氏給以願從遂釋姑去氏上馬行里許度姑已遠乃墜馬抱路傍大樹號哭不肯行寇拔刃刳之氏奪刀自刳死時年二十二雍正十年具題奉

旨建坊旌表

謹按舊浙江通志作周陸母

鍾仁妻徐氏

題旌冊年二十五夫亡一子在抱遺娠又生一子後長子殤幼子讀書遊庠序

守節五十二年雍正十三年具題候旌

沈登榜妻陳氏

新城縣志順治二年賊兵方國安掠縣氏避山中為賊所俘義不辱在搖

車嶺投塘水死

鍾時飛母羅氏

杭州府志字三娘順治二年寇至為所獲逼上馬不從引頸受刃罵賊死

袁啟元妻葉氏

杭州府志順治乙酉遇賊於雙江口之墳山義不辱投塘水賊射殺之

潘之庠妻凌氏

舊浙江通志年二十四夫所天遺腹生一子翁病姑盲凌事之盡孝亂兵

肆虐凌避難為賊所掠義不辱投塘水死

沈尚珍妻袁氏

舊浙江通志被兵執攜至富陽誓不受污投塘水死

羅淦妻袁氏

新城縣志年二十五而夫早世遺孤羅悟方六歲撫之成立媳劉氏生子偉士

甫八歲喪夫克嗣姑志兩世孀居人稱雙節

昌化縣

宋

章瓊妻盛氏

咸淳臨安志孝婦盛氏昌化縣民章欽子婦欽妻何氏性急盛伺顏色終日侍

立無情容娣如皆化之姑病貧無醫藥盛鬻簪珥裙襦供費姑病劇盛聞人言病者舖人肝則愈乃閉閤援刀剗脅取肝為常膳以進長如潘亦剗股馬姑食而愈政和六年詔表門閭

趙卯發妻雍氏

宋史忠義傳卯發通判池州攝州事元兵至知不可守謂其妻雍氏曰城

將破吾守臣不當去汝先出走雍氏曰君為命官我為命婦君為忠臣我獨不能為忠臣婦乎卯發笑曰此豈婦人女子之所能也雍氏請先死卯發止之明日兵薄池盛服同縊死

明

葉昺妻許氏

萬歷杭州府志年十六歸葉夫病刲股以進愈至二十二歲夫卒無嗣誓以死

守蓬首垢衣躬親紡績

嘉靖間壽至八十有八

許鶯妻陳氏

昌化縣志年十八鶯亡遺腹一女氏貧苦誓節歷七十餘年而卒

程洪妻沈氏

昌化縣志生子萬里甫閱月洪亡時年十九號踊幾絕既抱其子泣曰吾死易

耳汝為程氏後何依遂銜哀勵志以苦守終

徐仲仁妻翁氏

昌化縣志仲仁早歿氏年二十一已而舅姑相繼亡依祖姑姚同寢食擇

繼自成訓以義方孀居五十餘載

童貞女

杭州府志童洪之女幼許姚池為妻未婚而池亡童欲往成喪父母弗從未幾有他姓謀

聘者童知之時方立樓上遂從憲墜樓而死
父哭之喪明後從夫家請合葬於烏龍坑山

胡廷珍妻程氏

昌化縣志生一子年二十一夫歿守志子亦歿遺孫未週育訓勤苦清節

堅彌

姚第妻陳氏

昌化縣志甫婚半載第亡誓不二志雖近屬私親罕覩其面年九十六終

戴經紱妻王氏

昌化縣志年十九孀居姑老無子孝養克謹

葉雲英妻胡氏

昌化縣志雲英早死氏年十八即以死誓奉九旬老姑孝譽無間

黃校妻朱氏

昌化縣志年十九校亡寡居五十一載以貞操著於鄉

帥尚爵妻余氏

昌化縣志夫早亡苦志六十七年又帥尚友妻許氏年二十而寡俱克終

苦節

姚溉妻王氏

昌化縣志年十七而嫁二十一而溉亡貧居無子苦節自持

陳愛猷妻朱氏

陳鳳威妻戴氏

戴璟妻楊氏

童學詩妻畢氏

章樾妻陳氏

帥尚志妻周氏

許澤妻舒氏

姚正宿妻陳氏

國朝

程元衢妻徐氏

題旌冊年二十九而寡事姑孝撫二子成人氏性好施康熙辛丑歲飢氏

出粟以周隣里
守節三十八年

章楷妻童氏

題旌冊年二十八而寡事舅姑撫三子
守節四十二年以上二氏俱雍正三

旨建坊旌表
年具題奉

方國甲妻汪氏

題旌冊年二十八而寡遺腹生子舅
姑老旁無伯叔氏績紡供菽水歿營

喪葬教子為諸生守

節六十一年而卒

徐滋秀妻汪氏

題旌冊年二十而寡一子生甫十日
越三年祖姑舅姑相繼歿氏力營喪

葬訓子有成守

節四十一年

汪家璉妻程氏

題旌冊年二十六而寡事舅姑撫孤
汪蓁為諸生孫枝繞膝守節二十五

欽定四庫全書

卷二百四

年以上三氏俱雍正九年具題奉
旨建坊旌表

葉國英妻楊氏

題旌冊年二十五而寡事姑撫子塋
葉氏三代守節二十八
年雍正十一

年具題奉
旨建坊旌表

翁善妻陳氏

舊浙江通志順治四年兵至氏被
執利刃威之不從斫身數段死

陳錦妻翁氏

杭州府志順治四年被兵氏抱堂柱不
辱兵斫其臂幾絕旋挾之往至石橋躍

水
死

陳大忠妻章氏

杭州府志遇兵被執不受污
行二十里過頰口橋赴水死

童時聘妻王氏

舊浙江通志為亂兵所執欲辱之不
從兵怒露刃叱氏氏引頸受刃死

章君球妻王氏

昌化縣志君球病亡孤兒纔數月王初猶乳之哀慟如常已度家貧不能

終志從容視夫殯畢
入室自經年二十一

陳德元妻姚氏

昌化縣志名臺年二十孀居奉舅姑孝謹舅姑歿遺產夫兄悉專之終夫

兄之身不求分析撫教遺孤典克
砥文行晚課諸孫尤篤壽七十一

許志獻妻章氏

昌化縣志年十六適許未一載夫亡父命改嫁不從身常佩刀自誓撫螟

蛉為嗣砥節六十餘年奉翁百齡事姑四紀
俱極誠敬教子及孫卓有義方宗黨稱其賢

姚正經妻方氏

姚舜孚妻王氏

陳縉妻王氏

余懋仕妻方氏

胡邦望妻姚氏

熊桓妻王氏

王三台妻葉氏

呂堪妻程氏

嘉興府

嘉興縣

漢

許升妻呂氏

後漢書本傳吳許升妻者呂氏之女也字榮升少為博徒不理操行榮父積忿

疾升呼榮欲嫁之榮嘆曰命之所遭義無離貳終不肯歸升感激自厲乃尋師遠學遂以成名尋被本州辟命行至壽春道為盜所害刺史尹耀捕盜得之榮迎喪於路聞而詣州請甘心讐人耀聽之

榮乃手斷其頭以祭升靈後郡遭寇賊欲犯之榮踰垣走賊拔刀追之曰從我則生不從我則死榮曰義不以身受辱也遂殺之是日疾風暴雨雷電晦冥賊惶懼叩頭謝罪乃殯塋之太平廣記後刺史增其冢於嘉興郭里名曰義婦坂

謹按後漢書本傳作吳許升蓋冠郡名於姓氏之上也自弘治嘉興府志以吳為姓而并以許升為許昇嗣後各志俱沿之而誤今改正

唐

陸侶妻韋氏

弘治嘉興府志南康王臯之女叔適溧陽令陸侶即宣公贊之母侶卒於官夫

人訓子成大儒作唐賢相德宗勅迎養京師道路置驛時人榮之及卒因塋洛陽見權德輿所為文

宋

何士誠妻楊氏

舊浙江通志殿中侍御史楊大法女結褵未及期士誠病謂氏曰我病必

不起若能守制終身我瞑目矣疾革復曰不幸無後前言不必遵也言訖而瞑氏哭之絕而復甦嘔血數升勺水不入口者三日未幾竟赴河死慶元元年曩實建坊顏曰貞烈其河名何母涇

元

楊孝女

弘治嘉興府志篤孝父母不肯事人躬織以給養死後鄉人為立祠祀之

康正妻張氏

貝瓊廩母孝節傳攜李之幽湖張氏女歸廩生二子而寡時年二十有六誓養

舅姑不再適舅姑歿鬻衣而塋二子既長告以父志俾從師讀書遂以儒名於世至五十七歲終

王呼圖克特穆爾妾陳氏

弘治嘉興府志嘉興民間女生一子名巴約特甫六歲而

夫歿氏年二十七篤志守節撫育孤子成立至順二年告襲父職氏封封邱縣君至正三年旌表

柳烈女

金銅柳貞女記至正十八年秋亂兵入嘉興大肆焚掠女年十八與其父母匿所居屋傍

隙地兵入其家無所得執屋傍居人曰此誰所居答曰此柳外郎居也兵曰何在曰與其女竄彼隙中兵周巡而呼曰柳外郎來吾能活汝不來吾且屠若等柳遂出兵曰急持若女來否則屠之柳遂持其女出兵捍女頭前行柳與妻且泣且隨兵揮刃以向柳不敢進女號曰若欲何為其母曰欲妻汝汝善事之女曰若然無捍我我乃行兵驅女前行又數十步至河澣女紿為結襪狀兵不為防遂投河而死

錢氏二烈女

兩浙名賢錄錢子順之二妹至正末紅巾賊至其家二女義不受辱乃相與結

裙裾投河而死賊驚舍去其後子順妻俞氏亦以守節旌鄉人稱其家二貞一節云

明

張昱妻彭氏

呂原彭氏貞烈傳字妙寧父公衍鍾愛之館昱為甥年二十生子未幾夫忽嬰

疾侍湯藥者三年夫疾篤不能言惟執婦手泣婦曰妾與君同年生必期同年死萬一不幸妾當隨君後夫怡然瞑目自斂而殯日夜號哭痛絕者三自盡者再姑皆挽奪且泣誠曰吾老年得爾兒為孫自謂張氏有後矣今兒尚病爾死兒豈得生婦即承命調護五越月而兒疾愈乃復於姑曰張氏後已無恙矣遂絕飲食而死夫妻皆年二十九子璟方九齡焉

馬輿妻沈氏

續文獻通考輿之繼室輿以壽終沈年尚少無子悲啼不絕聲者八日自經死

顧昱妻梅氏

續文獻通考父江擇婿得昱妻之昱第進士為給事中早卒梅即不食以死

嚴顯忠妻黃氏

嘉興府志浦城人年十三隨父郡博來嘉興父暴疾良醫嚴樂善愈之遂

以女歸其子顯忠生子引昌甫五歲而顯忠死氏大痛牽引昌至露柱前持刀斫柱以痕計其軀哀號曰吾不即死恐絕嚴嗣耳口授以書引昌弱冠補諸生每見柱痕流淚力學有成為福清令卒年六十

七

馬瑀妻姜氏

嘉興府圖記姜儒之女瑀亡婦曰夫亡吾安用生為遂絕飲食旬日不死親屬

交勸之乃強食果實終不粒食者三十年始瘳時年二十七處一小樓不下知縣黃訓表其樓曰甘

節萬歷嘉興府志其女姪
歸高俸倅亡守節六十年

項氏三節

嘉興府圖記項邦妾沈氏項錢妻莫氏項

與妻皆歿沈撫孤守志備嘗艱苦壽八十有九成
化間被旌莫年二十六而寡遺孤四歲誓不更嫁
嘉靖初被旌張年二十而歿卒長妾假夫遺命勤
欲嫁之張截髮毀容明無他志止一女與之相保
垂老
無玷

莊鴻妻倪氏

嘉興府圖記年十七適海鹽莊鴻十九

相依守制父欲奪其志倪斷髮以死誓孝養
其姑姑亡治喪盡禮鄉閭上其事郡守以聞

高霽妻常氏

兩浙名賢錄年二十一歸霽九月而霽
死遺腹女又死常之祖母隋節婦也因

扁其堂曰繼節矢曰上當不媿吾祖下當不媿吾夫乃鞠夫弟之子為後卒能踐其言

董壽妻王氏

兩浙名賢錄名桂芳歸壽踰年壽病且革囑以更適桂芳誓以死殉壽卒其母

湯亦寡居命女歸同處桂芳不從母固強之歸一飯哽塞不能下咽還過宣公橋顧其母曰河水清冷可就死母懼抱持之乃止至家即麻經自經死

六烈婦

萬歷嘉興府志全氏周聰妻吳氏沈茂華妻
嬰氏汪志妻金氏顧惠妻沈氏吳銓妻費氏

徐胡妻皆遇倭寇投水死

郭氏二女

萬歷嘉興府志長女為姚浙妻年十八歸浙二年夫亡哭淚流血剪髮置夫棺中躬

營塋事其妹為萬有妻年二十而寡家貧守被旌世稱雙節

倪氏三節

萬歷嘉興府志邵氏倪雲妻年二十三而寡李氏倪霆妻年二十九而寡樂氏倪深

妻年二十三而寡俱克守制以壽終有司扁曰三節

李用仁妻王氏

萬歷嘉興府志年二十二而寡遺一子長娶張氏子復歿與媳紡績苦守

嚴從愛妻朱氏

嘉禾徵獻錄朱綬女適從愛甫三年而從愛卒無子繼從子其法娶許氏

女而其法亦歿死兩世皆以節孝聞

沈貞女

萬歷嘉興府志沈儒之女受姚諺聘未及成婚而諺卒女時年十七聞訃痛泣請夫衣履

祀之父母俱歿依第沈臯終身

薛貞女

萬歷嘉興府志薛文煌女許聘王九疇未歸夫死薛剪髮披麻往守哀毀骨立五年而卒

徐有慶妻沈氏

嘉禾徵獻錄嫁有慶不數歲而寡教妻子本高成名

嚴泰妻周氏

萬歷嘉興府志年十七歸泰甫四月泰以疫歿貧不能自給族人勸之再適周

忿然曰女無二天即截髮自誓斂迹一室年六十卒

許氏二節

萬歷嘉興府志張氏許燦繼室年十九歸許甫年餘而夫即世更逢荒亂脫簪珥躬

紡績以供舅姑撫前子應達如已出遺腹生應達以行誼重於時孫錫琦十三歲未娶而歿孫媳陸氏方十五歲矢死靡他歸許守節皆踵張之芳躅也

胡皆妻朱氏

嘉禾徵獻錄年二十一歲而寡苦志守節至七十七歲而卒

張禎妻莫氏

萬歷嘉興府志年二十八而禎亡孤方一歲歸依於母母欲奪其志氏潛求自

盡乃止守節四十年
教子鳳岐成進士

盛貞女

萬歷嘉興府志沈之韶未婚妻嘉靖庚申年
卜九月初十日成婚是日夫死氏剪髮納棺

中誓死靡他
卒年六十五

徐尚友妻馬氏

萬歷嘉興府志尚友病亡馬年甫十
九痛夫蚤逝厥明自縊柩前邑令何

源手撰祭章
親臨拜奠

賀德修妻朱氏

萬歷嘉興府志德修病卒朱
年二十八即日服毒自盡

張氏二節

舊浙江通志張渚妻沈氏張九韶母也年
二十八撫孤守制後倭寇縱火焚掠會翁

有疾孝感回天反風滅火翁疾甚籲天請代姑病
血盡淋漓必親年八十有二見其孫應宿登賢書

孫應辰死妻金氏年二十
二亦矢節六十四而卒

呂嗣芳妻顧氏

嘉興府志名妙善嗣芳與伯子本歿於官仲子原甫八歲氏攜孤還鄉貧

甚執紼苦守課子讀書文懿公立朝事
績得之母訓居多封太宜人年八十七

朱貞女

嘉興縣志沈志未婚妻年十四聞
志計即易服奔喪守制三十七年

高貞女

舊浙江通志受沈童祖聘年十六童祖
殤乃棄盟擲毀容自誓閱二十八年卒

朱貞女

嘉興縣志許配沈涵未婚涵死女年十四從
母往弔辭母曰夫不及養兒代之夫不及嗣

兒立之於靈前立姪還為後奉姑
孝敬登小樓不下四十年乃歿

馮喬道妻張氏

嘉興府志貧窶殊甚夫亡哀毀自
經柩側時年二十二士紳歌誦之

吳氏二節

舊浙江通志吳邦章妻高氏弟邦翊妻徐氏邦章卒無子高氏預置一櫓誓死靡他

縞素紡織苦節七十年九十卒徐氏亦守節五十餘年有司頌其廬曰一門雙節

陸氏二節

嘉興縣志朱氏陸萬程繼室年二十二夫亡撫育遺孤媳嚴氏年二十五寡子甫五

歲守節卒年俱七十一

顧之球妻薛氏

嘉興縣志嫁期月夫以禍死屢欲自盡母防閑之除夕母歸即縫衣自縊

巡按李邦華題請旌曰貞烈

李孝女

舊浙江通志李夢康女性至孝四歲喪母哀如成人事後母以孝聞告其父曰我母早世

何忍去父膝下父悲其志聽之父病女禱於天一青鳥銜一朱實墜藥鎔中人稱孝感卒年四十七

閩中黃道

周題其墓

錢貞女

嘉興府志嚴可相聘妻未婚而死女視其殮日侍靈幃哭之哀甚舅姑憐其志為立後蔭

居四十餘載孝奉舅姑撫四齡繼子成立萬歷初太守旌之

汪桂奇妻沈氏

嘉興縣志年十九適桂奇貧甚未一月桂奇死氏嗚咽不出一言視舍殮

越三日舉柩氏始出聲大呼天者三俟暮人靜自縊而死

包志妻楊氏

嘉興府志華亭楊周女適嘉興包鼎之子志遊太學卒於京遺子二節五歲孝

二歲日撫以泣且嚴勗之二子相繼舉進士官御史節以直道忤時戍邊徵氏曰以忠得罪榮幸多矣居常儉素蔭居四十年悉屏珠緋受封時嘗一御命服而哀不自禁即置不服

湯貞女

嘉興府志石工女也許配張氏子年十四死父往唁女曰兒願往一拜即還父從之偕往

撫尸慟哭畢泣拜父曰兒勿還矣願成兒志父不能強貞操五十年卒

包貞女

嘉興縣志許配張于拱未婚包之戚有貴人者嫌張貧屬更牽絲張不敢抗包給其女以

張郎死女不語遂入房稱病不出絕粒七日而死上下衣皆自縫書於襟曰必葬我張氏之壘

朱貞女

嘉興府志幼許字錢某未婚錢卒女年十九聞訃即欲從亡以母病方亟侍母終殮畢語

兄曰妹錢婦也願死從之不食五日而死遂歸葬於錢

包勇錫妻楊氏

嘉興縣志錫疾氏禱於神願以身代錫死氏遂飲毒卒良久錫甦疾漸差

終身不再娶

李士標妻沈氏

嘉禾徵獻錄士標授山東寧海州州同崇禎壬午兵圍州城士標督守盡

力癸未春病卒城遂陷妻沈氏率其妾婢同死之

徐士模妻陸氏

舊浙江通志無子生二女明末兵亂陸攜其女誠曰男盡忠女盡節分也

倘遇不測無苟貪生已而避居俞家村盜至陸拉其女及婢投河死

陶本立妻陳氏

嘉興縣志明末城將陷有已嫁女十三姑者遣使問計陳曰母負吾家清

白宜早為之使反十三姑即服瀆死城潰陳即向庭中井跳入婢紅梅亦赴井鄰婦之從死者十有

七人

胡烈女

嘉興縣志明末兵亂與父愛橋俱被執至衆安橋不能行兵士迫之即紿白釋我父從汝

父既釋去已遠佯
言繫屨投水死

周某妻方氏

嘉興府志年十九而寡無子針指自給
依其第居苦節六十二年崇禎十七年

聞變羣遷氏慟泣雨
日而逝年八十一

徐世濂妻陸氏

嘉興府志世濂早卒氏哭夫成疾嫁
時粧奩屏不復御以布素終所啖惟

菜粥并不及鹽豉苦節三十四
年子肇啟崇禎副榜遭難死

張谷起妻徐氏

高鵬妻錢氏

王愛庄妻顧氏

嚴從裕妻蔡氏

父大經妻巢氏

郁鑾妻王氏

顧臺妻毛氏

鄒浩妻程氏

沈鳴朝妻盛氏

周元圻妻胡氏

李儒鯨妻王氏

李有堂妻周氏

皇甫恩妻張氏

狄守賢妻戚氏

賀時保妻沈氏

胡應祈妻周氏

屠啟元妻劉氏

孫世俊妻何氏

曹邦彥妻俞氏

郁耕妻陶氏

朱國賢妻倪氏

潘有道妻姚氏

徐兆先妻夏氏

黃賓妻沈氏

蕭韶妻夏氏

朱國泰妻王氏

屠巽妻沈氏

石維岑妻孫氏

項得禎妻郭氏

徐恭妾陸氏

孫弘志妻項氏

屠德徵妻莫氏

許屏寅妻陸氏

王道浦妻唐氏

王景妻陸氏

卜舜年妻沈氏

王國賢妻陶氏

洪紹基妻項氏

周萬象妻沈氏

沈漸鴻妻曹氏

屠明謙妻褚氏

朱文朝妻秦氏

許子華妻殷氏

朱璧妻倪氏

周君用妻諸氏

萬寧妻張氏

徐行遠妾仲氏

孫仍芳妻陸氏

沈悅泉妻朱氏

金維秋妻張氏

沈懋德妻常氏

朱繼唐妻俞氏

俞光妻沈氏

吳中俊妻范氏

徐禹妻張氏

賀道立妻項氏

高尚仁妻常氏

吳應山妻許氏

胡文孔妻陳氏

姜地妻屠氏

倪文和妻王氏

翁仲初妻浦氏

項儒亨妻鍾氏

項從先妻錢氏

國朝

杜蘅妻曹氏

嘉興縣志嫁踰年生一子蘅卒氏甫十
八守志不二事舅姑教子甘旨饘粥之

資取辦十指以孫臻貴得封康熙十七年具題奉

旨建坊旌表

朱夢李妻沈氏

題旌冊年十七適朱三月夫亡氏闔戶自經以救免奉舅姑盡孝夫弟生

女甫襁褓連喪父母氏收養之長為擇嫁苦節三十八年康熙三十六年具題奉

旨建坊旌

表

張允昌妻章氏

題旌冊年二十一而寡子林生甫數月氏冰霜矢志撫孤成立守節四十

載康熙四十二年具題奉

旨建坊旌表

孫日杏妻屠氏

題旌冊年二十三而寡事姑盡孝撫子成立夫弟舜生幼娣貧不能自存

氏邀與同爨為其二子婚娶康熙四十二年具題奉

旨建坊旌

表



吳鯤妻徐氏

題旌冊年二十適吳八載鯤歿氏誓志勵節撫五齡孤子辛苦持門戶不失舊

業至七十三歲卒康熙四十五年具題奉旨建坊旌表

蔣宏遠妻江氏

題旌冊年二十九而寡家貧舅鬻膏藥自給氏撫三歲孤嚴慈交盡守節

四十
四年

范本榮妻謝氏

題旌冊年二十九夫亡事孀姑孝撫幼子備歷艱辛守節三十二年以

上二氏俱雍正五年具題奉旨建坊旌表

王氏二節

題旌冊王拔妻沈氏王掄妻謝氏姊妹也拔卒沈年二十六掄卒謝年二十九二寡

相依共撫一子沈守節五十六年謝守節四十三年

錢正妻葉氏

題旌冊年二十九夫亡繼姪為後而遺腹生子氏撫之俱成立事孀姑盡孝守

節三十

七年

曹洪生妻張氏

題旌冊年二十九夫亡二子幼紡績撫孤家有三世未塋氏勤儉拮据始

得歸土守節三十四年 以上四氏俱雍正六年

具題奉

旨建坊旌

表

龔維賢妻阮氏

題旌冊年二十九而寡家貧事孀姑孝撫二子成立守節三十九年

沈生格妻俞氏

題旌冊年二十九而寡事兩世孀姑生養死塋俱盡禮撫三歲孤子勤劬

備至守節

三十二年

曹福年妻袁氏

題旌冊年二十二而寡福年為伯氏後而本生無子氏以一身事兩孀姑

俱克盡孝撫孤銑長娶婦生三孫氏命按序承祧宗黨咸稱其明大義守節三十九年

唐文耀妻包氏

題旌冊年二十九而寡唐氏兩世未墓氏力營窀穸并以其夫祔焉撫二

子成立守節四十一年以上四氏俱雍正八年具題奉

旨建坊旌表

楊氏二節

題旌冊楊時茁妻吳氏事舅姑以孝稱年二十九夫亡遺孤義方僅二齡辛勤撫訓

長娶媳倪氏義方又死倪年二十四無子止一女吳告於宗族繼姪孫廷元為子後姑媳相依伶仃孤苦吳卒年六十九倪氏經理喪塋靡不中理撫子女婚嫁守節三十一年

盛本棟妻傅氏

題旌冊年二十二而寡舅姑老二子幼氏上事下撫備極勞瘁守節三十

旨建坊旌表
九年 以上三氏俱雍正九年具題奉

馮啟妻沈氏

題旌冊年二十適馮為繼室二十八而寡事舅姑生養死葬咸盡禮撫前妻女

及已生二子曷昇教養備至
後曷成進士守節二十九年

沈徽妻王氏

題旌冊年二十三而寡事舅姑孝沒後竭履營墓并祔其夫於墓側撫數月幼

子成立守節
三十一年卒

陳大同妻胡氏

題旌冊年二十三而寡事舅姑撫遺腹子守節三十四年 以上三氏俱

旨建坊旌表
雍正十年具題奉

俞光耀妻沈氏

題旌冊年十八適光耀甫十月光耀亡遺腹生子撫教有成事舅姑以孝

謹聞性好施予凡郡中育嬰同善諸會無不捐資普濟守節三十三年

宋子安妻曹氏

題旌冊年二十六姑亡夫相繼卒遺孤二人一六齡一三齡氏即鬻產塋

舅姑及夫并穿已墮教二子以義方父母沒遺二幼弟氏俱撫之成立守節二十七年

錢豐妻李氏

題旌冊年十九適豐生二子豐卒未幾姑亦卒祖翁及翁又相繼卒疊遭閔凶

氏竭力營喪塋撫二子饘粥之資半出十指有姪幼孤無依氏復撫之與子同視氏寡時年二十九

守節三

十三年

陳貞女

題旌冊陳國英女許字張嗣昭未婚嗣昭卒女年十七聞訃更素服飲泣絕粒欲殉母諭

止遂往夫家居一室中勤機杼晝夜不輟足不踰戶事舅姑甚孝守貞二十四年
以上四氏俱雍正十二年具題奉

旨建坊旌表

徐賓藩妻金氏

題旌冊年二十五夫亡遺孤甫七歲氏事舅姑孝舅病侍湯藥五載無惰

容孤長令其質還無以給衣食守節一十七年卒

張德元妻顧氏

題旌冊年二十四夫亡截髮毀容以示不二勤織紉撫子子就外傳修脯

皆出自女紅至子復生子守節五十二年

沈氏二節

題旌冊沈榮陞妻妾也榮陞初娶於陸早卒續娶周氏結褵未二載無子榮陞亡時

年二十五其妾亦周氏年十九一子未離襁褓二氏共撫遺孤閨門整肅俱守節三十二年而卒

沈翰培妻周氏

題旌冊年二十一夫亡遺孤未晬氏請於舅姑為夫營塋即穿已墮於旁

舅姑歿哀毀逾禮教子義方守節三十一
年以上五氏俱雍正十三年具題候旌

吳雯妻虞氏

嘉興縣志年十七適海寧吳雯六月雯卒婦以死自誓深居一室雖至戚罕覩

其面垂十五年卒家人立祠於白苧都

平章妻萬氏

嘉興縣志年十九結褵決期章卒守志
養姑二十載姑卒有夫妹歸沈亦寡迎

養於家又四十餘
年里中稱雙節

張發侯妻史氏

嘉興縣志發侯死氏年十九生子甫
二歲矢志不二飢寒迫身力勤紡織

養姑哺孤未嘗叩人門
戶乞升斗年四十七卒

楊貞女

嘉興府志楊汝雯女許字陳學澍未婚澍亡楊年十八欲往夫家守志兄不許且勸之嫁

不從絕粒吞鉛粉死之

黃貞女

嘉興府志黃玉樓女許字王姓里豪金某以語戲之女正色辱詈豪不能堪遂以貲贈其

夫令退婚女痛哭誓死不改適勤紡織以奉親歷數十載比卒數月金舉室被火焚死

陸貞女

嘉興府志海寧人許字運使李東純仲子光垣因病癰將議解婚女聞輒不食父母嘉其

志竟歸於李別寢以居更歷五載日侍湯藥無纖毫厭倦比沒以兄子銘為嗣銘復早卒撫其孤教

養魚至年逾五十族黨謀具節行上白女峻辭乃止

徐某妻高氏

嘉興府志夫被殺氏號哭愬冤抵仇於罪守節四十餘年卒

吳源溪妻沈氏

嘉興府志康熙戊午源溪死遺一男一女翁貧甚欲嫁之氏矢志不移癸

亥六月望夜沐浴暨粧與隣姬談笑更餘潛縊死

鄭叔文妻李氏

嘉興府志年二十一適鄭鄭病瘵結禱不兩月而卒歸依母居有謀奪志

者氏覺謂母曰兒身存終為人所覬覦悔不早殉泉下母不虞其有他漫應曰無之是夜竟服瀉卒

李貞女

嘉興府志年四歲許湖郡陳麒佳子陳子年十二而歿計至女哭之哀後飲食漸減病死

陳以子

合塋焉

王三孃

嘉興府志逸其姓嫁王二十五而寡貧無子矢志不嫁撫夫弟之女為女刺繡自給女長

嫁之更撫其妹

年七十餘卒

丁大年妻王氏

嘉興府志適丁七載無子大年歿氏椎心嘔血曰婦失所天何以生為囑

婦善事其姑

遂投井死

潘貞女

嘉興府志賣花嫗女金氏子聘之而殤其母欲更許人女矢不從十餘年堅守如故金舅

姑始迎之歸時

年二十七矣

陳國英妻杜氏

嘉興府志年二十七而寡冰霜自矢平時嘖笑不苟以禮法閑其子女年

六十三卒其女文姑許配同邑張載揚未婚卒文姑聞訃悲泣往視其殮歸即自經死

徐貞女

嘉興府志許配蔣氏子蔣卒女年十六號泣奔喪姑憐其未婚欲另擇配女聞闔戶自經

救甦自是推髻勤女紅撫伯氏子又歿遺孫未週媳復去惟鞠養孤苦以延一綫

毛穉登妻朱氏

嘉興府志結褵甫六月夫亡時舅姑垂白養生送死盡禮苦志四十載邑

令屢旌其門其遺腹女適姜西雖亦早寡無子獨居三十年始終一節

樊貞女

嘉興府志小字婉樊晉肱女生而聰慧熟精女史許字同里李生未嫁而李卒女數日不

食自縊死

陸貞女

嘉興府志陸嚴之女許字王迅年十八而王卒女聞引刀自裁父奪刀慰之遂聽其粗服

操作苦節十二年臨終謂父曰必葬我王氏之墓父憐而從之

沈貞女

嘉興府志許字秀水某未嫁夫殤女誓不改適守節十二年卒

徐氏二節

嘉興府志徐燦日妻迨氏年十八守寡至七十子元旂妻喬氏亦十八守寡至五十

三姑媳
同貞

施貞女

嘉興府志少字蔡昇猷未婚卒女聞計易服長號奔喪素幃獨處三十餘年邑令旌其門

史義堅妻談氏

公舉事實年二十一夫亡誓從死姑曰汝無子然有姪可繼當撫之以延

夫祀乃止閱四載而應繼者殤氏死志益決遂營墓其夫既墓之明日沐浴整衣自經死時雍正七

年三月二十三日也凡
附身衣衾俱預製云

朱松年妻呂氏

公舉事實年二十八夫亡撫兩女長適士族守節二十八年

王元禧妻韓氏

公舉事實年二十八歲夫亡無子立姪為嗣撫育成立守節三十八年

關麟瑞妻周氏

公舉事實年二十六而寡無子撫姪勤紡績孝翁姑守節二十九年

沈茂祖妻黃氏

成學舜妻吳氏

沈延祚妻吳氏

陸某妻屠氏

莊國英妻屠氏

杜麟翔妻曹氏

錢奇英妻繆氏

王浣石妻繆氏

徐輝妻王氏

蔣旦妻陳氏

吳友青妻錢氏

高孝成妻沈氏

朱茂峰妻陸氏

朱舜文妻沈氏

宗雲秀妻鄧氏

呂公裕妻盛氏

張珮妻朱氏

張文祖妻金氏

王禹嘉妻周氏

王坊妻姚氏

高涑妻邵氏

王用賓妻魯氏

姚功遠妻顧氏

翁萃和妻浦氏

狄佐唐妻賈氏

鄒重崧妻徐氏

金文英妻談氏

謝岳鏌妻錢氏

沈自醇妻馬氏

王大觀妻沈氏

沈之琦妻吳氏

沈士騏妻項氏

聞嘉評妾楊氏

金殿鼎妻屠氏

仲大勲媳高氏

王永謨妻吳氏

包瑞卿妻王氏

朱維清妻陸氏

顧文相妻徐氏

姜紹芳妻錢氏

沈杰妻包氏

宗文達妻徐氏

王夢斗妻陸氏

戴長濟妻姚氏

沈璠妻潘氏

李瑞楨妻駱氏

鄒雲騏妻習氏

沈士茂妻王氏

吳璜妻金氏

周錫紱妻姚氏

陸憲章妻馬氏

盛翊妻高氏

沈德源妻顧氏

陳坊琦妻朱氏

顧弘銓妻褚氏

陳贊王妻吳氏

鄒雲黿妻沈氏

鄒洙妻胡氏

宗迪功妻梅氏

姚絃奏妻郭氏

蔣標妻王氏

于登封妻金氏

徐鳴玉妻金氏

沈彥芬妻姚氏

曹泳妻陸氏

洪爾節妻陸氏

張世枝妻馮氏

沈時英妻馬氏

吳思宰妻丁氏

程邦道妻俞氏

胡鼎鼎妻郁氏

王子偉妻徐氏

戴煜新妻王氏

劉玉鉉妻張氏

徐復振妻邱氏

李熙妻高氏

徐遴妻屠氏

王埴妻周氏

朱士清妻曹氏

徐敏公妻翁氏

沈振宜妻吳氏

沈平格妻俞氏

馮敬軾妻湯氏

沈晉侯妻倪氏

李瑞禎妻駱氏

蔡珩妻錢氏

吳天柱妻屠氏

張蕙妻葛氏

錢敷仁妻項氏

顧再問妻張氏

項維時妻高氏

楊萬鍾妻朱氏

李峻妻錢氏

程琮妻陳氏

黃兆熊妻陸氏

周伯元妻沈氏

姚純所妻王氏

沈介山妻馮氏

周侍川妻李氏

趙采妻陸氏

郭亮鴻妻王氏

江弘潮妻潘氏

屠錫綬妻錢氏

沈徽妻王氏

沈二最妻厲氏

鄒平妻沈氏

黃源倬妻朱氏

王奕封妻馬氏

楊振先妻張氏

張振之妻吳氏

朱叔禮妻張氏

徐君輔妻周氏

周鏡妻沈氏

陳嘉訓妻馬氏

沈元道妻陸氏

錢燾妻史氏妾朱氏



浙江通志卷二百四

欽定四庫全書

浙江通志卷二百五

列女 四

嘉興府

秀水縣

明

常士昌妻隋氏

嘉興府圖記文登人適秀水常士昌士昌守雷州卒於官隋年二十六間

闕扶櫬萬里歸塋教其子皆成立垂五十年如一
日萬歷嘉興府志又裔孫常洪妾金氏常禾妻張

氏常策妻高氏皆少年守節人稱世節云

蔡士能妻趙氏

弘治嘉興府志名真年二十八喪夫誓死自守未嘗聞笑語聲後以次子

濟任遼東苑馬寺主簿迎往就養卒於遼東壽八十五

包愈妻陳氏

嘉興府圖記年二十一歸愈期而寡遺腹生子方晬翁姑亦相繼歿陳畢力喪

塋撫孤事死不違其則子長為娶婦患危疾復不起乃收從子為後苦志不渝有司奏旌之

俞貞女

嘉興府圖記同邑高岑聘之未歸而岑亡父母別為擇壻貞女斷髮以死自誓父母憐其

志不復強之

施普妻陳氏

萬歷秀水縣志年十九歸施甫三載施卒時年二十一斷髮自誓奉翁姑以孝

聞

陳貴妻李氏

兩浙名賢錄甲寅倭變李抱幼女走倭追及遂跳身入水倭急持其髻李抓倭

手濡血倭怒以刃挾其首擠之水詰旦母女相持浮出 water 次

陶氏二節

萬歷秀水縣志陶託妻王氏年二十三歲而寡其妾錢氏年二十八兩人厲志苦節

屏居一室教二子有成

張貞女

名列女傳年十四受劉伯春聘伯春少負才名必欲舉於鄉而後娶未幾卒女號泣截髮

自為詩祭之持服三年不踰閭不茹葷服闋即絕飲食旬日而卒甫年二十舅姑迎柩合塋焉

項貞女

萬歷嘉興府志項元沂女許聘同郡聞人瀕未婚而瀕故時年十六聞訃即晝夜悲痛請

瀝衣履供奉樓居四十六年
足不履地終身不施筭總

徐孝女

萬歷嘉興府志徐全之女早失怙事父恭慎
父疾醫藥罔效遂封左股以療之父得愈女

痛楚幾殞
後亦愈

項貞女

明列女傳國子生道亨女許字吳江周應祁
精女工解琴通列女傳事祖母及母孝年十

九聞周病療謂乳媪曰未嫁而夫亡當奈何曰未
成婦也改字無害女正容曰昔賢以一劍許人猶
不忍背況身乎及訃聞父母祕其事然女聞吳江
人來已喻祖母屬其母入視女色甚溫母釋然去
夜俟諸婢熟睡獨起以素絲約髮衣內外悉易以
縞而紉其下裳檢衣物當勞諸婢者標之名列諸
床上大書於儿曰上告父母兒不得奉一日懼今
為周郎死矣遂自縊兩姓父母從其志遂合葬焉

李傳妻崔氏

萬歷嘉興府志年十七適李成婚七日夫遭厲疾而歿崔矢死苦守時有謀娶

之者崔輒求自盡而止貞守五十四年

金應元妻徐氏

萬歷秀水縣志歸金二載夫亡每欲自縊拒側其姑防衛得免撫從子九

成如已出晝夜紡績五十年如一日奉旌

包氏季女

萬歷嘉興府志李生妻之禽母兄嫵李貧議他適女遂憤懣不食者七日長姊力持

匕箸淪季女口未及咽而卒

徐貞女

兩浙名賢錄居王江涇許字鼎室子其父以醫致富父死而產落無立錫地父啖堦罷婚

堦亦甘焉女潛知之問父計奩金幾何予我當從命父授以百金輒呼鼎室子與之抵暮自經後父

以其柩歸

鼎室子

沈貞女

兩浙名賢錄字淑貞沈澤之女姊妹二人其姊嫁盛實早世議聘淑貞以續舊姻淑貞辭

曰姊之夫非妹之匹也遂誓終身不適人以處女終

丁鳳鳴妻楊氏

朱國祚丁烈婦傳歸丁年僅十五越二載夫卒舅姑火其屍當烟燭薰灼

之時婦捐軀赴之賴救得免既而聞有欲奪其志者乃自刎刎而不死更加創焉傳之藥輒揮去竟以身殉聞者傷之

顧四相妻陳氏

萬歷嘉興府志陳金之女年十八歸顧甫二載夫病劇剖股和藥以餌獲

甦又二載夫死於疫自經至再家人救免時年七十二翁姑欲奪其志乃剪髮矢志茹蔬終身年七

十歲

楊氏二節

萬歷嘉興府志賀氏楊和之繼室年二十四和卒子道昇娶媳韓氏年二十道昇亦

亡姑媳共勵
相與苦守

程之遠妻周氏

秀水縣志周履靖女將結褵而程疾篤家人難之氏白父母請踐期父嘉

其志為笄櫛而往獨行廟見之禮即躬侍湯藥越二十五日之遠卒氏以貞節自天孝事翁姑撫姪燦為後卒年七十有二

徐世淳妾趙氏倪氏

徐肇樑妻張氏

秀水縣志世淳守隋州闕

賊陷城不屈死妾趙氏亦罵賊死妾倪氏匿叢篠中得免已而寇去氏出赴屍所慟哭棺殮扶櫬以

歸年僅二十七苦節三十餘年世淳殉難血衣什襲如故每一展對輒嗚咽流涕年六十卒世淳子

肇標殉父難妻張氏寡居於家乙酉城破密縫衣襦閉戶自經

張某妻沈氏

秀水縣志年二十一適張未半載遇亂避兵陶墩遭掠持刃自殺守者奪之乘

間投河越數日雷雨屍浮至門顏色如生而上下衣縫紉牢密夫感其義遂為僧

袁娘妻呂氏

舊浙江通志明季兵亂竊娘匕首佩之一日舟行遇兵遂赴水兵以鉤攬其髮

呂出佩刀截髮乃沒更三日屍浮娘取葬焉

錢淳妻曹氏

舊浙江通志明季兵亂淳往鄉隣婦拉氏以逃氏曰我寧死耳遂抱幼女赴水

越五日淳歸得屍面如生抱女不釋淳感泣不復娶

黃季瀚妻胡氏

嘉興府志同夫避難氏被掠投河死
又蕭某妻投井死錢世茂妻陳氏鄒

之屏妻孫氏俱赴水死
俞瑞宇妻張氏自殺

徐先忠妻沈氏

張桐妻諸氏

顧闈妻任氏

徐有孚妻戚氏

夏周妻項氏

施曰俞妻項氏

夏璧妻張氏

鍾一奇妻張氏

吳中和妻徐氏

濮相妻楊氏

姚鈞妻項氏

黃鶴年妻張氏

馮坤妻夏氏

馬秦川妻孫氏

吳引泰妻沈氏

周純初妻懷氏

陳三洲妻吳氏

錢奇英妻繆氏

唐昊妻姚氏

施泮妻俞氏

沈鳳妻馮氏

卜長生妻沈氏

沈天慶妻陸氏

呂竑妻施氏

卜象先妻項氏

吳楨妻王氏

曹媚妻侯氏

周鏡妻沈氏

金澄之妻卜氏

國朝

金光奎妻徐氏

嘉興府志年十六歸金兩月而夫亡
慟視含殮從容就縊俄而復甦更六

旨建坊旌表

閨月而死督撫具題奉

金善鎔妻鍾氏

秀水縣志年十七夫亡屏居一小樓
四塞窗牖足不履地值歲飢散財以

旨建坊旌表

活戚族之餓者冰操四十餘年康熙十年具題奉

卜兆龍妻伍氏

舊浙江通志年二十適兆龍撫前子
如已出明年舉一子兆龍歿氏哀毀

旨建坊旌表

屏鉛華獨居康熙二十年具題奉

孫米妻曾氏

題旌冊父元良無子贅壻於家早卒氏年二十九矢志撫孤食貧苦守歷四十

一年教子王孫成進士康熙二十三年具題奉

旨建坊旌表

鍾貞女

題旌冊鍾楚奇女受金鼎聘未婚鼎遇兵被害女年十七即請於父母歸金守節壽七十

有七康熙四十三年具題奉

旨建坊旌表

翟貞女

嘉興府志許字楊煥未婚煥歿女年十九聞訃奔喪號慟欲絕遂留事舅姑曲盡婦道舅

姑卒歸母家守志歷三十九年康熙五十三年具

題奉

旨建坊旌表

表

屠秉坤妻沈氏

題旌冊年二十八而寡養姑撫子守節四十載夫弟秉貞夫婦相繼歿氏

驚產經紀其
喪鄉黨稱之

胡漢妻鄭氏

題旌冊年十八適胡姑患疽氏親為吮拭久而不倦夫歿時年二十八事舅甚

孝守節二十五年以上二氏俱康熙五十九年具題奉

旨建坊旌表

郭大娜

部咨案驗農人郭聖嘉女年十九未字康熙六十年八月十七夜大娜執爨厨下事畢出

闔門戶傭人仲二匿暗中欲犯之大娜堅拒大呼父母繼至哭訴憤恨父母隣里咸勸慰之大娜隨入房自經死仲二依律究擬大娜節烈捐軀奉旨建坊旌表

陳善妻徐氏

題旌冊年二十六而寡家貧勤十指以仰事俯育慘苦備嘗年六十六而歿勵

節四十一載雍正四年具題奉
旨建坊旌表

許氏二節

題旌冊董氏陳氏許天行之妻妾也天行
歿董年二十九止育一女陳年二十四遺

腹生一子二氏交撫之情同姊妹董守
節二十五年先卒陳守節四十八年

汪曜臨妻姚氏

題旌冊年二十九夫亡勤織紉以養
舅姑撫遺孤至於成立姑病衣不解

帶者累月姑歿
慟而絕守節二十三年

盛王譽妻倪氏

題旌冊年二十八夫亡遺孤紹植生
甫九月翁年七十餘旁無伯叔氏事

翁存歿盡禮教子有
成守節三十四年

張萬鍾妻衛氏

題旌冊年十八歸張二十八而寡孝
事舅姑撫孤成立蓬首素服不出戶

庭者五十八年而卒 以上五氏俱雍正六年具題奉

旨建坊旌表

沈振宜妻吳氏

題旌冊年二十而寡事姑撫姪為嗣守節四十八年

王逸古妻范氏

題旌冊年二十六而寡夫弟欲奪其志氏毀容力拒塋舅姑及夫棺食蔬

衣縞無子依母以居守節三十四年

魯斌妻楊氏

題旌冊年二十七而寡遺子女各一氏自甘荼苦足跡不出戶庭撫教子女有

成守節三十四年 以上三氏俱雍正十年具題奉

旨建坊旌表

陶宗凱妻屠氏

題旌冊年二十三而寡事舅姑撫繼子守節三十八年雍正十一年具題

奉

旨建坊旌表

顧允昭妻沈氏

題旌冊年二十七夫亡事姑孝姑病痢氏衣不解帶厠諭澣濯必身親之

姑卒脫簪珥治含殮撫一子至長為娶婦早死遺兩孫氏偕媳矢志煢煢艱苦教育成立守節三十

五年雍正十二年具題奉
旨建坊旌表

張棠妻金氏

題旌冊年二十九夫亡姑唐喪夫時年猶盛至是子又夭遺孤幼釋家日落痛

不欲生氏多方勸慰以養姑撫子自任為人緣履每兩受值九文日可數兩隆冬丙夜手指皸瘃不能持鍼線以水溫之復作少頃手復僵以燈油和醬敷創處痛刺心痛已指稍伸又作不已親黨有死

喪雖不能備冥鏗必遣子往拜曰禮缺貧耳拜不可廢也姑沒營喪塋率子親持畚鍤守節四十四

年雍正十三

年具題候旌

姚貞女

舊浙江通志姚遂昌女許字王景直年十三父邁危疾女禱三晝夜得藥九於衣裾間父

服之愈十七而景直歿女過門謁舅姑成服立嗣未幾翁亡子亦殤女截髮誓死督學谷應泰旌之

丁元德妻周氏

秀水縣志元德卒氏哀毀目盲終喪即絕粒死

高貞女

秀水縣志母早亡事父鴻最孝許配王氏子未結褵而壻幾陷獄氏驟聞而投杼曰我少

失恃今又失所天不若從母於地下矣遂閤戶自經

陳琦標妻沈氏

秀水縣志年十八歸琦標甫六載夫死越七日遺孤復殤乃拜別翁姑囑

伯叔以孝養姑驚而防護之翌辰
姑少懈遂闔扉自經年二十有三

袁福生妻李氏

秀水縣志年十八適袁九月而福生
卒氏痛哭投繯救甦七終歲滴一盞

急仰之灌救得不死未幾嘔血數升歸別父母父
母強留療治疾篤曰兒欲歸死於袁起而仆嘆曰
不能歸矣
奈何遂卒

嚴氏三節

嘉興府志嚴嘉訓繼妻仲氏年十六夫亡
撫前妻子禧守節四十五年嘉訓弟嘉祚

聘姚氏未婚而夭時姚年甫十三聞訃哀泣奔喪
依姪禧以終後禧亦早卒妻潘氏年二十五子甫
五齡撫而教之歷四十
九年時稱一門三節

仲晉妻金氏

嘉興府志晉歿氏年二十九誓以
身殉號慟不已絕粒七日而死

丘永侯妻顧氏

嘉興府志喪夫無子紡織養姑一十六年里豪張某糾黨謀娶氏佯允諾

梳粧整衣閉戶自經邑令任之鼎給扁曰節烈可風

金惟恭妻毛氏

秀水縣志惟恭卒氏年二十二撫子泳之年三十一又天遺孫自南復撫

育之自南又沒自夫至孫三世天絕境愈苦而節彌堅年七十二而終

高隆翔妻金氏

秀水縣志年二十四夫亡遺孤甫週歲或勸之更適氏泣指庭前黃楊曰

此我夫子手植也作黃楊操以矢志年六十卒塋黃楊亭側里人稱為黃楊亭節婦云

周英妻吳氏

秀水縣志年十九夫亡無後事姑孝敬姑女暨姑女之女俱贅夫於家貧無以

給氏奉姑遺命膳養二十餘年後四人相繼歿氏殯塋之以是家產悉廢處濠上河濱破屋中里人

罕見
其面

鍾貞女

嘉興府志未婚守節
巡撫各司道旌獎

蕭貞女

嘉興府志許字朱鳴盛未婚而歿蕭聞訃易服登朱門哀經擗踊姑憐其志以長子之子

為之後事姑撫子茹
荼二十載年四十卒

沈貞女

嘉興府志沈琛之女方二歲許配姚正宗年十四而大氏未婚守節至二十六歲父欲更

締姻氏憂
忿而卒

謝貞女

嘉興府志錢塘人幼字秀水卜叔明貧不能娶旋天氏聞訃即歸卜守志父怒遂絕往來

艱苦一
生以卒

仲世隆妻吳氏

嘉興府志年二十一而寡操家苦節
老不見齒遺腹女適徐王昱亦二十

一而寡母女相依
冰操益著

沈光裕妻項氏

嘉興府志歸沈四載夫病篤以死
自誓夫亡哭臨畢扃戶服滿死

范介如妻某氏

嘉興府志夫病瘵劇氏泣告曰倘有
不測願即相從地下夫旋殞號痛絕

粒而亡時年二十四
雙棺並舉遠近嗟異

盛重妾張氏

嘉興府志名繡年十五歸重未二十而
重歿與嫡相依事姑撫繼子服闋姑令

改適不從又數年其母欲其別嫁百方勸誘終不
為動既而家益落繼子亦亡繡盡力紡績以佐晨
昏甞甞嫡妾淒然相對者三十年有兄鄉
居其嫂來探之極相得然終不一至其家

周明雅妻謝氏

嘉興府志年二十四夫亡無子族嫗動以微言輒涕泣詬詈後年五十九

值歲荒

餓死

陳向高妻虞氏

嘉興府志向高卒虞年甫十八屢欲自經舅姑曲諭之乃佯應諾終日涕

泣不離殯所未幾竟絕食死

顧貞女

嘉興縣志幼喪父隨母嫁於邱許字長興王某氏未婚而寡誓不再嫁既而母改許沈氏

女整衣裳服酒死年二十四將死密戒隣母曰我死無受沈姓片楮污我及死沈果來唁隣家羣起

却之時康熙己亥

正月十九日也

吳熙妻虞氏

公舉事實年二十六而寡無子撫三歲姪攀麟為嗣家貧不舉火者嘗一二日

氏晝夜紡績易糠粃作餅克飢
教其子成立苦節三十三年

馬鑰妻陸氏

公舉事實年十九而寡無子閏三月姑
生小叔姑即患病氏力撫幼叔侍湯藥

五載無懈繼姪為後又天哭泣喪
明復繼姪孫為後守節六十四年

王逸古妻范氏

公舉事實年二十六而寡無子有叔
不類逼之嫁氏毀容力拒未幾其叔

暴卒姑亦隨亡氏歸依母家
紡績度日守節三十四年

葛君英妻范氏

公舉事實年二十一而寡遺一子復
殤有幼叔寄養他姓攜歸撫養為娶

婦生子氏即育之為子葛氏之
緒賴以不墜守節三十一年

胡氏三節

公舉事實闕氏胡關得妻錢氏王氏其妾
也闕氏素瘵疾體尪羸不能妊子請於舅

為夫納二妾各舉一子夫歿舅繼卒三氏年俱二十七家日落錢善織閭與王善紡日成二布以易米薪寒暑無間事舅姑暨本生庶姑孝撫二子長令就學有成立關與錢先卒王守節四十年

徐開燾妻石氏

卜祖學妻陸氏

姜懋芳妻周氏

吳永嘉妻袁氏

楊秀峯妻潘氏

朱文朝妻秦氏

朱茂晒妻賀氏

陸元燾妻徐氏

戴長治妾李氏

毛麟瑞妻浦氏

邵宗彝妻薛氏

鄭典妻宋氏

韓肇禎妻唐氏

卜淇妻屠氏

錢昇妻俞氏

王希導妻陳氏

項全斌妻王氏

呂化龍妻黃氏

項奕顯妻沈氏

項克鞏妻顧氏

范睦妻吳氏

顧文進妻王氏

錢必選妻李氏

王期妻浦氏

岳繼忠妻范氏

顧良升妻魏氏

俞晉叔妻吳氏

周恭先妻范氏

金世融妻喬氏

曹穎浩妻吳氏

羅有極妻朱氏

金黃妻施氏

沈芸暉妻鄒氏

方道仲妻李氏

姚夢爵妻歸氏

仲學海妻姚氏

黃季翁妻朱氏

陳德基妻蔣氏

朱崖妻徐氏

倪元璧妻胡氏

曹曾錫妻王氏

沈烽妻陸氏

陸賓來妻湯氏

張心琴妻胡氏

朱顧遠妻張氏

吳邦彥妻張氏

仲大年妻邵氏

屠子莊妻仲氏

邵瑤妻徐氏

章天錫妻王氏

屠有禧妻董氏

邱廉遠妻于氏

吳大木妻龔氏

沈衍曾妻吳氏

鍾應枚妻沈氏

顧天銘妻屠氏

徐正域妻祝氏

黃元璧妻吳氏

沈永年妻周氏

曹繼登妻沈氏

仲學曾妻金氏

曹大宗妻陸氏

程子哲妻沈氏

杜元鎮妻沈氏

張康侯妻沈氏

吳望妻張氏

蔣鉞妻何氏

邵嘉生妻程氏

陸望之妻胡氏

蔣鼎臣妻王氏

王文殊妻黃氏

汪子賢妻馮氏

汪福生妻蔡氏

沈世佳妻徐氏

陳志發妻沈氏

鍾贊夔妻陳氏

金中和妻錢氏

沈春妻吳氏

錢煇妻沈氏

傅大溶妻張氏

陸交泰妻仲氏

沈衡妻張氏

周胥原妻張氏

徐綱妻陳氏

卜史妻屠氏

卜定命妻張氏

陳升之妻王氏

陳紱麟妻陸氏

曹公度妻呂氏

張君揚妻許氏

陶宗愷妻屠氏

朱承溪妻陸氏

周景妻陸氏

程學江妻鍾氏

張鉞妻許氏

袁守誠妻朱氏

嚴重華妻孔氏

江公潤妻沈氏

朱某妻陳氏

張羽修妻陳氏

萬人偉妻胡氏

周國榮妻吳氏

吳洪芳妻戴氏

萬兆卿妻吳氏

高鉉妻宋氏

陳旬麟妻于氏

潘懋妻沈氏

鍾朱甲妻聞人氏

鄭聖亭妻徐氏

嘉善縣

明

薛宗永妻沈氏

弘治嘉興府志適魏塘薛宗永洪武初舉孝廉拜監察御史以失朝被黜

而卒沈年方二十孀居事姑甚謹以紡績為業終無二志姑卒盡賣其衣資以營塋鄉里稱之

李文遠妻張氏

弘治嘉興府志文遠卒張年二十八父母將改嫁之氏誓且泣曰吾聞婦

人以貞為貴夫死而易其操禽獸不若也父母感其言乃止孀居二十八年詔表其門復其家

徐孝女

明列女傳徐遠女也年六歲母患臙創甚女問母何以得愈母謾曰兒吮之乃愈女遂請

父母難之女悲啼不已母從之數日果愈

俞傑妻周氏

嘉興府圖記名桂蘭年二十七傑亡家貧子幼殊不可存父欲奪其志哀慟不

從撫教其子

澤舉進士

陸衍妻糜氏

正德嘉善縣志年二十衍卒初衍病革注目於氏者久之氏作色曰君疑我耶

遂毀容變服誓無他志既而遺孤亦夭乃與婦周旋居無聊者二十餘年時人謂之雙節

莫佐妻周氏

嘉靖浙江通志名嘉平鼎之孫女年十六適佐甫七月遺妊而佐死妊生又女

也姑重憐之諷使再適氏誓曰有不從姑終身者不出此戶嫠居六十餘年而終

陸孝女

嘉興府圖記陸澄女名喜真澄疾喜真嘗剖股愈之澄疾又作喜真乃剖胃剝肝作羹以

進澄覺之不食疾
輒愈喜真亦無恙

謹按正德嘉善縣志萬歷嘉興府
志俱作陸喜真舊通志訛嘉真

周阿香
嘉興府圖記農家婦也正德庚午飢夫與姑欲賣以自活阿香誓不從數筭楚之遣有日

矣前一夕赴水死
鄉人具棺塋焉

郁自魯妻馮氏
萬歷嘉善縣志年二十六夫歿哀慟絕食願以身殉親戚強慰諭之泣曰

夫亡無嗣求生何為死能完名無所恨舅姑謹防之居數月手書辭父兄乘夜沐浴更衣從容自縊及旦視之衣盡聯綴面如生

葉烈女
萬歷嘉善縣志葉雷之女許聘錢氏未婚嘉靖甲寅母子為倭所執欲辱其母女時年十

七給以身代求釋母賊捨母得脫遂罵賊投水死
嘉善縣志更有曾巖妻張氏遇倭不辱亦投河死

沈春雷妻張氏

萬歷嘉善縣志少值倭亂舉家避難甫出門即遇寇執春雷之父將刃之

春雷泣請代遂遇害時張在舟中手抱一孩倉皇泣曰吾死兒安歸然吾不能以此身為賊人污也
竟赴水死時遇難死節者有
孫三妻郁氏亦不受辱投河

許應鯉妻何氏

嘉善縣志嘉靖甲寅倭亂夫婦與孀母馮氏同出遇倭何年十九馮年三

十俱赴水死應鯉得脫終身不娶
萬歷中巡按御史旌其墓石

卞理妻顧氏

萬歷嘉興府志年二十二夫卒撫遺孤鑄娶媳徐氏鑄復死與媳並守稱雙節

閔塾妻孫氏

兩浙名賢錄年十九塾死無子兄欲奪其志嘆曰兄所利者財也悉以奩田歸

之矢心守節立族子為後年五十
三值歲飢而死知縣于業墓之

孫言妻王氏

萬厯嘉興府志年十九夫卒以死自誓
繼姑病悲號累日願以身代夜夢神女

曰念汝孝錫汝姑百歲以慰
汝心姑果年九十五而終

陳坤妾王氏

褒祀編順天人年十六歸嘉善陳坤越
六年生子誠甫週歲坤臨卒囑嫡子遣

嫁氏大慟剪髮矢死嫡子待不以禮氏甘
下之撫誠成立沒之日族黨悲為流涕

袁柏妻趙氏

兩浙名賢錄年二十八夫亡孤在襁褓
家貧甚日紡績自給每引兒至夫座前

課讀稍踰度輒跪責之壽五十九忽一日呼兒曰
吾以半生事爾父半生守爾今日是爾父亡日我
將往從地下
矣無疾而逝

季昕妻唐氏

嘉興府志結襦九月而昕亡氏年二十一遺腹子練族人以貧故欲其再適氏

斷髮誓志奉姑盡孝當盛暑猶夜處帳中勤女紅以給饔飧苦節六十餘年

孫承祖妻嚴氏

兩浙名賢錄年二十二夫亡止一女欲以身殉念姑老乃孝奉天年及女

嫁曰吾事畢矣遂不食死

蔣元颺妻盛氏

懿行編年二十七元颺歿繼子甫週歲辛勤堅守同妾王氏朱氏共理家

政內外肅然壽俱六十餘

許貞女

舊浙江通志父評許字陸允孝年十九允孝卒議改適女截髮毀容以死自誓依母紡績

終身天啟間旌

任貞女

嘉興府志許配莊世植未娶世植疾亡女年十九依寡姨顧氏冰蘖自守邑令申請巡按

旌之

陸時顯妻陳氏

嘉善縣志年十八而婚婚十八日時顯業漆匠經商曲周久而不還兄念

弟往尋亦不返家貧無子姑與姆俱年老氏紡績膳養後姑與姆相繼沒氏拮据殯塋垂白無依年八十而逝里人捐資建碑邑令李陳玉表墓

許可遂妻吳氏

嘉興府志年二十二適可遂遂父娶繼室凌虐非常婦事益虔後可遂浴

於河溺死無嗣氏絕食不死旋服瀉而卒

朱君達妻顧氏

嘉善縣志縣役催科矐君達遠出突入竈下舉手加氏頸氏旋入內室泣

曰此頸可汚乎遂縊死

顧貞女

嘉興府志受李碩果聘暴病夭女痛不欲生奔喪守義孝養翁姑二十七年

陳時經妻吳氏

嘉興府志歸時經生一子時經遊學在外聞母疾馳歸中道而殞柩歸而

姑亦逝氏泣謂嫗程氏曰方寸裂矣我子猶嫗子幸善視之程泣慰之吳唯唯夜自經死年二十七

孫鉞妻盛氏

嘉善縣志鉞二十而夭氏絕粒九日而死

徐爾穀妻孫氏

稿李往哲續編爾穀為石麟恩撫子以湖寇波及死於江寧孫氏聞穀死

一女在抱棄之赴水立而不仆死

魏學洵妻嚴氏

褒祀編學洵父大中忤璫死獄學洵以哭父死氏年二十七截髮毀顏終

身疏食事姑錢淑人孝先姑卒淑人曰夫為忠臣
兒為孝子媳為節婦我何憾焉氏子允枹隱居博
學鄉里
推重之

錢棟妻陳氏

懿行編年二十七棟殉節震澤拒歸氏泣謂翁曰亂兵搶攘棺中真贗難明必

求啟視及啟慟幾絕遺孤痘瘍撫姪畢為嗣畢
迭復以從孫維城嗣之兩世鞠孤艱辛備歷

錢氏二節

褒祀編鄒氏錢熙妻年二十四熙亡子未
週熙弟默妻魏氏年二十六默逃方外無

子與鄒氏共保
一孤人稱雙節

郁震妻顧氏

陸禮妻張氏

浦潤妻朱氏

倪塤妻路氏

呂孟端妻郁氏

沈鑑妻彭氏

沈嗣興妻朱氏

姚彥曾妻李氏

陳樸妻李氏

于暄妻張氏

夏光覲妻陸氏

孫麒妻陳氏

何寅妻朱氏

魏珊妻沈氏

沈勲妻毛氏

陸墀妻李氏

陸培妻萬氏

陸繼淵妻沈氏

沈于道妻顧氏

錢簣妻沈氏

沈杲妻尤氏

孫畎妻黃氏

郁守宗妻朱氏

張雲鳳妻方氏

張榜妻陸氏

徐賞妻李氏

卞璵妻唐氏

支大綸妻張氏

錢吾孝妻岳氏

沈心愚妻李氏

程振宇妻張氏

孫完樸妻鍾氏

郁環妻宋氏

郁纘妻沈氏

程志道妻懷氏

胡皆妻朱氏

陳志道妻許氏

錢繼仍妻朱氏

董良史妻唐氏

錢天與妻陳氏

沈文沼妻宋氏

郁調元妻韓氏

吳志遠妻陸氏

沈剛中妻張氏

卞栻妻姚氏

江寅妻顧氏

陸律妻毛氏

卞森妻支氏

周宗侯妻顧氏

沈萬春妻夏氏

顧東藹妻王氏

蔣宰妻顧氏

王祀妻魏氏

莊有仁妻丁氏

孫中珍妻鍾氏

包亭山妻曹氏

沈君嗣妻倪氏

錢廣昌妻毛氏

郎階妻馬氏

沈憶淵妻蔣氏

周士龍妻夏氏

顧慕良妻趙氏

徐大節妻石氏

毛士鷺妻沈氏

程武魁妻張氏

郁復周妻李氏

周宗榮妻錢氏

曹其仁妻徐氏

沈明道妻蔣氏

張明威妻孫氏

李聖龍妻金氏

柏廷蘭妻莫氏

崔造妻王氏

袁萃社妻沈氏

盧茂春妻章氏

顧文進妻王氏

王嘉賓妻夏氏

胡士毅妻張氏

袁墨妻沈氏

陸晉山妻丁氏

王繼芳妻陸氏

蔡萬春妻朱氏

盛聰妻沈氏

邱果妻李氏

錢霽妻魯氏

吳晟妻孫氏

任揆妻浦氏

柯蕃妻沈氏

倪孟懷妻葉氏

朱勤妻莫氏

高材妻蔣氏

姚滔妻朱氏

吳榆妻朱氏

吳濂妻孫氏

妾華氏

張炳妻任氏

夏宣傑妻項氏

姚閭妻江氏

卞錫妻吳氏

國朝

趙晉妻蔡氏

嘉興府志年二十八晉卒於京邸氏欲自經者再翁姑諭止教子武鞏成立康

旨建坊旌表
熙十二年具題奉

葉曰桂妻呂氏

題旌冊年二十七而寡事舅姑盡孝撫子如琛如珪俱能成立冰操凜守

家政肅然年七十三卒康熙四十九年具題奉
旨建坊旌表

劉氏二節

懿行編金氏劉士龍妻年三十而寡姊陸氏劉士麟妻年二十三而寡家極貧同撫

三孤紡績自給順治初隣人失火環舍皆燬二氏所居樓獨存衆驚異顏其樓曰顯節

蕭敬明妾吳氏

襄祀編年二十七敬明卒率婢阿秀辛勤力作有次女適錢仁之錢死於

兵歸依吳氏鄉居遇劫掠氏偕次女及秀婢抱錢幼子俱投河死

葉舒芭妻錢氏

懿行編亂兵泊汾湖氏駕舟匿蘆葦度不免遂赴水死僕婦張亦從死

王貞復妻戈氏

懿行編年二十四而寡乏嗣或諷改適自經者再坐卧小樓天節三十年

撫二女出嫁預知逝
期沐浴更衣而歿

朱雲妻李氏

懿行編年二十二雲卒遺孤四齡有脅之改適者氏引刀殤面家園蕭索紡績

自甘教孫映壁膺
鄉薦歲有授經圖

倪貞女

嘉興府志倪賴銳女許字孫宸樞年十九未婚夫亡女矢死以殉父母勸阻乃至夫家苦

守蓬首素服三十
餘年如一日

陳顧二貞女

嘉興府志陳氏許配蔡純仁純仁歿女聞訃即欲奔喪父母勿許女投繯繩斷

救甦乃白其舅姑迎歸終喪竭盡孝道撫前妻子如已出貞操三十餘年顧氏許字郭宏宏早世計聞女痛哭絕粒三日父母勸之則曰往郭視殮後方可食耳遂歸郭食貧苦守終身不改顧與陳為中表姊妹時稱蘆川雙節

顏烈女

嘉善縣志少失怙恃依兄嫂許配嘉興顧氏子顧貧康熙甲寅夏就婚於顏其兄索財禮

不已留顧寢外室夜不施帷蚊蚋攢嘬甚楚女憐之伺顧他往解帷置其榻兄見之辱詈女自傷將不得為顧婦遂戴顧氏簪髻衣顧氏衫襦自經死

陸烈女

懿行編父宦僕資饒許字蘇州庠生張某後援良賤不婚例退聘改適納采日女密縫衣

裾自縊張感其
義終身不娶

孫貞女

嘉興府志孫衍女也許字錢廷銓年十六未
婚夫歿女泣告父母往錢守節與嫠姑同起

居侍奉深得歡心
後營夫殯以疾卒

張貞女

嘉興府志張王典之女許配沈治豐王典遠
任山西治豐往就姻卒於途女年十九誓不

更字抑鬱踰年成疾臨危曰吾身許沈從一之義
守死不渝願合葬沈氏之墓父母許之遂逝邑中
士夫皆賦詩以誄巡撫朱軾給扁旌獎

龔貞女

嘉興府志受吳宗昌聘未娶宗昌歿父母議
更字女毀容斷髮以死自誓茹齋縞素靜處

一室年二十七病革請舅姑面訣且欲以
骸骨歸吳許之乃瞑邑令莫大勲旌之

褚貞女

嘉興府志受錢鎖之聘未娶鎖亡女即哀經奔喪守制立鎖姪源為後勤紡績力營夫塋

苦節十七

載而卒

徐階荃妻金氏

襄祀編年二十三適階荃年餘而階荃亡鞠遺孤於襁褓哭泣三年決志

殉節夫服除次日自經死

柯弘本妻朱氏

嘉善縣志秀水人適弘本年二十五夫卒氏痛不欲生念上有舅姑下有

幼子朝夕含淚曲盡孝慈時門第鼎盛氏治女紅不輟教二子煜炳成名煜舉雍正癸卯科進士

顧氏二節

懿行編朱氏顧衛伯妻年二十六夫亡貧無以殮賴賻布乃克成禮居恒鍵戶織紉

撫嗣子或餽升斗輒峻却之曰未亡人豈宜以殘喘累姻姪耶矢節三十三年卒盛氏顧疇妻衛伯

弟婦也年三十而寡撫孤成立娶媳不數
年媳亡復撫孫荼苦五十年壽七十九

丁陟臣妻王氏

懿行編年二十七夫亡守節三十三
年陟臣之亡也兄采臣嫂金氏第宿

垣弟婦龔氏相繼即世并其祖考妣三世十二棺
俱未葬采臣陟臣並無子惟宿垣遺孤繼業纔八
歲是時氏以荏弱嫠婦撫髻齡孤姪支持門戶殘
燈敗帷瀕於死者屢矣後十餘年繼業少自立乃
克墓其三世之未葬者人咸謂丁氏一綫
猶存遺骸得厝皆氏完節撫孤之力也

沈濂妻卓氏

公舉事實年二十歸濂為繼室撫前子
女如已出二十三夫亡家貧紡織以養

舅姑父母憐而迎之辭曰老邁翁姑舍我孰承菽
水竟不肯歸子能讀書氏親課之守節至七十一
而終

孫曰楓妻曹氏

公舉事實年二十九而寡事翁姑孝撫子榮成立守節至六十一歲而歿

李翰妻卞氏

公舉事實年十七歸翰二十六翰卒兩子皆髫齡氏教以識字習幼儀稍長赴

塾從師夜則篝燈紡績令侍側讀書寒暑不輟年八十五卒子復夔康熙丁酉舉人

程元祐妻吳氏

公舉事實年二十七夫亡事翁姑孝撫二子成立守節二十六年紡績自

給

薛佑蕃妻姚氏

公舉事實年二十三而寡遺孤念祖甫三歲後翁姑繼歿庶姑在堂母家

以貧而無倚招之使歸氏不從早夜操作以奉其庶姑教幼子守節至七十二歲而卒

王國珍妻張氏

公舉事實年二十六而寡遺子女五人
家徒壁立翁姑年垂暮氏勤十指

事上撫下守節
三十四年卒

許澄原妻朱氏

公舉事實年二十六而寡事祖姑翁姑至孝撫八月遺孤有成守節二十

年六

朱岸登妻錢氏

公舉事實年三十而寡長子一蜚甫六齡次子紹周在襁褓一子在腹氏

欲從死父諭以撫孤大義始感動嘆曰當再思之
因名遺腹子曰再思遂晝夜操作以養以教守節
二十年積勞
成疾而卒

孫氏二孝婦

公舉事實孫衍妻李氏子慎機妻馮氏兩世俱能孝事舅姑人稱孫氏家法又

夏健妻陳氏與孫為姻姪亦以孝
稱於時益感二氏之風而興起者

魏學洙妻夏氏

葉南柱妻王氏

錢象儀妻徐氏

錢燾妻葉氏

莊允燦妻吳氏

周丕承妻余氏

龔君求妻柯氏

孫允登妻郁氏

楊隆妻潘氏

孫灃妻李氏

汪昌祖妻楊氏

吳濤妻陸氏

唐天錫妻沈氏

葉鉉妻夏氏

沈郊妻王氏

沈伯亨妻茅氏

吳自厚妻柯氏

翁萃和妻浦氏

錢繼葵妻徐氏

王貞所妻馮氏

楊景新妻朱氏

王璫妻金氏

施鑒蘭妻毛氏

蔣仲堪妻朱氏

李承章妻朱氏

沈天華妻姚氏

孫瑤臺妻霍氏

柏方來妻鄭氏

錢體恒妻吳氏

吳維翰妻周氏

錢之芳妻郁氏

吳安之妻陳氏

夏權妻葉氏

孫蕓妻龔氏

張振遠妻陳氏

李仙枝妾王氏

張芝惠妻葉氏

孫序皇妻蔣氏

韓懋德妻張氏

孫復輝妻陳氏

朱盈泉妻郁氏

張學詩妻陳氏

唐晉妻袁氏

陸韜妻沈氏

倪子瞻妻袁氏

薛仲璋妻沈氏

孫廷鑾妻王氏

蔣杼雯妻何氏

高衛繼妻盛氏

吳濟宇妻王氏

劉藻繼妻馮氏

潘魯菴妻錢氏

王觀化妻金氏

蔣昌陞妻顧氏

錢振元妻蔣氏

俞某妻孟氏

錢素綸妻金氏

錢念永妻蔣氏

夏君韜妻季氏

吳敬亭妻許氏

朱肇嘉妻丁氏

汪楷妻迨氏

王悅範妻朱氏

蔣鼇妻陳氏

海鹽縣

元

魯烈婦

海鹽文獻志某氏適海鹽東城外魯某生子彌晬元至正間倭船泊海濱攻劫海鹽城外

居人逃散烈婦獨存度不免置兒於路傍哭曰天乎不使魯氏無享或有收者是幸也遂投海死

明

陳思恭妻莊氏

徐一夔陳節婦敘泉南人思恭以商于泉南遂贅焉踰年而得子思恭去

海上三年不返人以為死諷之嫁莊峻斥之又二年而思恭果還未幾復去竟死於海前諷者復來曰今固可以嫁矣莊指其孤曰吾夫雖死所以遺我者固在此也時年二十五教育其孤至於成立

子實生構貞節
堂宋源為記

沈裕妻王氏

弘治嘉興府志名妙貞年二十嫁裕未
有子夫卒時年二十一以禮塋夫奉舅

姑克盡愛敬舅姑卒殯塋
俱不違禮卒年六十有二

楊彥璋妻魯氏

嘉興府圖記名淑清永樂丙申夏倭
犯海鹽抄掠男女淑清亦在擄中抱

一子未晬泣而委之路旁曰幸天活我兒潮至遂
躍入水死時年二十一同時有與淑清同溺而不
詳其姓名者淑清
所棄兒卒全無恙

姚璵妻周氏

張寧姚烈婦傳名福蓮周孟經女年二
十一嫁敵浦姚璵甫四年璵死生女名

孝家甚貧數值荒歉孟經因促歸與繼母諸嫂處
氏念姑老行時檢篋中故衣服悉遺璵妹意甚依

戀有富人求為婦者孟經許之難為言一日方聚食孝女適啼婦遽前撫之孟經愠曰勿啼不久當送還汝家婦凄然動色退謂嫂曰頃見父言事決矣我命如此此足宵再踏他人門限耶遂抱女不復置是夜與女同溺死翌日具棺殮方焚木既然有蝶從烟焰中出文采爛然向祖墓飛去見者驚異孟經拾氏遺骨與班同塋姚氏先塋

時年二十七

弘治戊申二月九日也

劉璽妻陸氏

弘治海鹽縣志名妙端年十七適璽十年璽往河南客死時舅姑與伯母俱老

二子俱幼歲復游飢無以為生陸紡績組繡以奉舅姑後舅姑與伯母繼歿氏竭力營喪塋二子俱克成立孀居四十餘年

屢經多故終始一節

胡繼海妻駱氏

弘治海鹽縣志名玉潤繼海歿氏年二十七子女俱幼父欲奪其志誓死

不從勤女工以教其子寬與

宏皆能承父業年八十終

李政妻某氏

張寧李烈婦傳政為海寧衛戍卒妻名三女年十六適政舅早歿姑再嫁氏生

一子名雲弘治乙卯四月政病疫自外歸卒婦已六日不寢食強起殮殯送至郭門外政妹適葉者欲寬其哀指其子謂曰嫂無憂我當令此甥侍嫂婦曰寡婦猶可倚甥為伴耶因籍箱篋遺物以雲托政妹曰我即死幸顧念此兒勝生受恩德因給政妹曰我飢甚姑家有粥宜可急得妹往取粥近已閉門繼絕矣年三十六

沈端妻陳氏

弘治海鹽縣志生子珩而端歿時年二十四有以子幼年少風之者輒悲泣不

自勝奉親教子孀居四十年

沈珉妻陳氏

海鹽文獻志名玉瓊年十七適珉二十

執麻枲勤撫育至長婚嫁以時
自初喪至晚年志操如一日

徐璧妻馮氏

弘治海鹽縣志孝事舅姑姑嘗罹疾弗
愈與璧同封股煮粥以進即獲差後又

患疽親為吮之璧早喪不事容飾躬織
紡以教其子三十年足未嘗履戶外

張寧妻高氏李氏

嘉靖浙江通志高氏名寒香李氏
名晚翠年皆十四五相繼事寧者

三年寧疾革囑嗣子必嫁之二妾聞而悲慟不自
勝寧歿相與孀居既三年寧妻劉氏令二氏釋服

二氏驚問故劉泣謂曰主公臨終之言不在耳乎
二氏大慟曰妾荷主公恩恨不即死以從敢有他

志遂皆剪髮誓死同居一樓者三十九年家人罕
見其面後相繼歿有司以聞詔旌曰雙節嘉興府

圖記寧女名恒清適海寧

衛姚麟亦早寡守志無二

陳氏二節

嘉興府圖記陳立妻錢氏妾屠氏立死錢年二十五妾年十八同心守節

王廉妻許氏

嘉興府圖記歸廉未幾廉死後得遺腹兒衆謂許年少遺兒安保其成不如更

嫁許不聽卒

撫兒自完

向升妻王氏

鹽邑志林年十六歸升甫一年而升卒氏殞地幾死設一榻柩旁朝夕坐卧其

上欲縊者屢為姑所止日以鍼黹自遣不復茹葷

姑閨婦少欲奪其志氏號泣引斧斷足以誓居一

年姑以從子某來為升後氏念以叔為子焉能混

處遂決意求死至晚伺姑寢沐浴整衣縊於柩側

時嘉靖戊戌冬十一

月五日也年十八

步橋妻朱氏

海鹽縣圖經海寧朱天弘女嘉靖三十五年正月遇倭寇欲污之不從抱幼子

投虞溪橋下倭以槍引之起朱罵不絕口倭輪槍截之貫其額顱母子同死

錢萱妻孫氏

嘉興府志萱為儀部郎謫粵東遭疾殁于官氏慟不欲生勉扶櫬歸塋與妾嚴

氏共守三十餘年貞節並著

錢烈女

海鹽縣圖經半邏錢君儀之女許聘於陳陳初裕後貧其姑不自檢嘉靖庚寅冬將婚矣

烈女嘆曰盟不可變義不可辱吾有以死謝耳先期三日自縊死

沈烈女

海鹽文獻志名雲年十七許字同邑張生未嫁張病瘵死邑中聞其工容且賢爭來求聘

父母將許之雲覺投河死嘉靖丁酉二月也

姜應熊妻徐氏

萬歷嘉興府志夫患瘍疾兩家欲更議氏不宥歸四年應熊死氏即絕粒

誓守夫塋仍自揭一聯於楣間云貞節存心擬與孤燈對明月義方教子願期玉樹長芳林吳御史

旌其門

沈國相妻王氏

萬歷嘉興府志王銓之女嫁沈適年國相死於倭氏年十七有欲更娶之

者氏剪髮毀容矢天終守子女俱無苦節四十餘年巡按題准建坊

鍾氏二節

錢芹鍾節婦傳沈氏名妙智年十八嫁鍾昇昇卒時年二十九有娠方四月後六月

子景辰生自是巖穉不充事育交迫或諷以改適執志不回年九十三終後四十年又有徐氏者名季貞年十八嫁鍾思孟景辰曾孫也勤學構療病卒徐氏絕而復甦嘔血數升即剪髮一握置夫手

中一握囊盛之懸臂
間卒合葬甘泉鄉

張宏妻盧氏

萬厯嘉興府志二十四歲夫亡生子甫三月家極貧矢志撫孤繼姑欲奪其志

盧斷髮不從躬織絁曲
事之年八十三而卒

陸孝女

萬厯杭州府志海鹽捕卒應雲女也應雲謫戍嶺南留妻女於杭應雲道卒女時年十四

聞父喪晝夜號泣不絕聲遂不食數日
卒貧不能殮里人義之為捐資殮焉

徐烈女

海鹽縣圖經學掾鳳之女許字千戶胡獻奇獻奇領漕入都約明年竣役成婚客死計至

徐慟哭不食數日縊死
時萬厯甲申冬十月也

姚貞女

海鹽縣圖經許字崇德潘氏子潘貧姚父欲絕婚氏時年十九聞父言即日扃一室中不

復出守至五十五歲死

吳貞女

海鹽縣圖經吳泮林女許字徐尚臣之子某年十五而某死女欲赴喪父不可女紿曰姑

一視了我心至則誓必終守而尚臣子多不便同居父迎歸聽其守節焉同時平湖王昌祚女許字鹽人吳中宰未嫁中宰死亦過中宰家守制

沈弘遠妾金氏

嘉興府志年二十而夫死母欲奪其志堅執不從弘遠之女嫁朱萬言三

年而寡即屏居一小樓絕不歸寧萬歷中並旌

陸堯俊妻顧氏

嘉禾徵獻錄堯俊幼孤不自檢家遂破尋卒無子女氏苦守以堯俊弟子

為子節孝無愧云

沈九疇妾王氏

海鹽縣圖經九疇艱於子娶氏生子夢融方四歲九疇病革語其嫡曰王

氏年少我死必嫁之氏曰我必不嫁九疇固以為言王取刀割其舌擲地示信九疇歿與其嫡相依

艱苦操作撫夢融成立

陸貞女

舊浙江通志陸維寧之女許字朱祥符未婚而祥符死女年十四聞訃慟哭幾絕易服誓

守久之以淚枯失明年二十卒朱氏迎其柩合葬焉

劉世埏妾沈氏

舊浙江通志生子祖鍾未週而世埏歿時嫡徐氏操家柄氏內自持而外

曲事之得保遺孤身衣補綴至老不去體年六十二有司奏旌

張廷錄妻莊氏

舊浙江通志年二十二夫亡備歷凶荒教子源成源思讀書源思成進士

崇禎間

奉旌

吳氏三節

嘉興府志吳棟妻蔣氏年十九棟卒遺孤文煒僅七月辛勤撫育文煒娶戴氏年二

十一文煒卒子麟振方二歲戴氏與姑同心撫育子麟振娶沈氏麟振卒時子甫及方四歲沈事太

姑及姑俱盡孝嚴於訓子不為姑息子成進士人稱三世苦節

舒葵妻呂氏

嘉興府志年十七嫁葵踰年葵卒子笙甫三月其姑張氏招壻女共居傾橐授

之復暉晚其產呂寄兒母家奉姑惟謹既而姑之女與壻俱死氏拮据養姑教子成立年八十九

劉煤妻周氏

舊浙江通志年二十煤卒子璽甫三歲守志撫孤垂六十年璽繼室姚氏亦早

寡教已子與前妻子俱有成苦節四十七年

徐乾貞妻朱氏

舊浙江通志明末避兵豐山乾貞他走朱病不能行婢商氏顧氏掖之伏

林莽中兵見執之誓不辱露刃脇之罵愈厲遂見害二婢亦不屈死

黃一卷妻崔氏

嘉興府志明末避亂石馬山聞兵至先投幼女於池與長女躍入水死一

卷受創危急忽見氏撲面迎刃得不死越七日屍浮於水面傷刀痕人咸嘆其靈異顏色如生

郭乾妻何氏

舊浙江通志年十九夫亡苦節二十年明末兵亂邑人盡室以行挈何俱去不

可曰死則死耳去此將安之未幾兵至拒戶自經死

吳上舍妻童氏

嘉興府志結褵一年上舍歿苦節三十餘年避亂聞兵至投河死又干氏

女遇執不屈被害又小康橋節婦與姑俱被執婦不行抱橋柱大罵受箭沈水死又陳惻妻蔡氏被

執投
河死

褚泰亨妻周氏

萬衡妻沈氏

費遠妻向氏

劉世坊妻項氏

丁麟妻蔣氏

徐潮妻王氏

張鎮妻王氏

魏全妻林氏

王軌妻陳氏

王軒妻黎氏

吳孟完妻胡氏

吳允昂妻楊氏

劉鎮妻邵氏

胡偉妻陳氏

趙子龍妻王氏

周東妻吳氏

陳用龍妻王氏

蔣杰妻翁氏

馬如雲妻王氏

張桂妻任氏

何文謂妻王氏

姚弘妻吳氏

朱學行妻錢氏

顧槃妻祝氏

劉浩妻董氏

徐重臣妻曹氏

馬孟俊妻李氏

陳昌允妻董氏

朱守謙妻楊氏

王廷璧妻孫氏

朱映壁妻葛氏

錢與映妾康氏

吳士妻周氏

仇士魁妻吳氏

王應麟妻鍾氏

朱應箕妻屠氏

李謏妻吳氏

王復昌妻朱氏

朱佐妾陳氏

陸郡妻潘氏

陸部妻周氏

吳儒妻蕭氏

吳桃妻儲氏

朱玘妻吳氏

胡憲仲妾仇氏

胡彭述妻劉氏

童尚斌妻周氏

徐乾元妻仇氏

賀玠妻徐氏

思坡妻徐氏

朱伯嚴妻王氏

王聖龍妻祝氏

國朝

錢楨妻葉氏

嘉興府志夫亡屢自經姑曲慰之曰吾兒一綫之緒在汝遺腹奈何殉小節而

斬宗祀耶葉飲泣勉從孝奉孀姑備極誠敬撫繼子燭與遺腹子煇慈愛無異康熙十五年具題奉

旨建坊旌

表

俞貞女

題旌冊海寧俞宣琅女許字海鹽張芳濬合卺有期芳濬卒訃至氏慟哭欲奔喪或阻之

遂絕粒母憐其志乃令至張守節所處樓中懸夫
像朝夕上食身布衣蔬食後更茹淡其堅苦有人
所難堪者年二十九卒康熙三十五年具題奉
旨建坊旌表

祝懋功妻許氏

題旌冊海寧人年十七歸懋功懋功
卒氏年僅十八子甫數月舅姑已先

歿祖姑在堂氏孝養二十年祖姑以壽終經營再
世宅窳撫子成立守節五十八年卒墓時有白鶴
翔繞人因稱鶴來墓康熙五十二年具題奉
旨建坊旌表

戴子亭妻朱氏

題旌冊年二十三美姿容持身甚謹
康熙六十一年五月初十日夫入城

市姑朱氏抱病卧床氏晨起執爨傭人王雲卿
室無人強欲污之氏堅拒罵詈雲卿以刃斫之死
子亭第二實尚幼聞聲出視亦被害俄而里隣環
集雲卿度不能脫遂自刎事

聞奉

旨建坊旌表

張鴻妻朱氏

題旌冊年二十四夫亡氏絕粒求死翁姑勸止之遂屏腥羶却絲縷茹齋服布

益勤紡織迨翁姑繼歿氏竭屢營塋祔夫於墓側男女婚嫁備極辛勤守節五十七載雍正五年具

題奉

旨建坊旌表

步驗霖妻謝氏

題旌冊年十六歸驗霖以紡績佐姑甘旨人稱其孝生子女各二姑歿未

幾夫又卒氏年二十七所親微諷之以死自誓乃不敢言二子皆躬自訓讀及長俱為諸生雍正六

年具題奉

旨建坊旌表

畢國璋妻錢氏

題旌冊年十九而寡無子繼姪為嗣撫長又趺姑媳執撫孫成立守節

四十二年雍正八年具題奉
旨建坊旌表

孫彭年妻陸氏

題旌冊年二十六歲而寡家業蕭然舅姑在堂竭力以供菽水歿後經營

喪塋盡哀盡禮延師課子俾得成立守節二十五年

朱揚妻陸氏

題旌冊年二十夫亡投繯數次俱因救

其則春秋饗祀事死如生祖墓祭產甚薄捐田二十畝以助撫姪為嗣守節二十七年

劉貞女

題旌冊許字許浙嘉未婚漸嘉病歿女年十七聞訃即服瀣以身殉母力救得免過門成

服獨居一室縞衣茹荼親戚罕覯其面撫夫之幼弟成立紡績營塋父母守貞四十九年

朱貞女

題旌冊許字徐禹未婚而禹病亡女年十九聞訃悉將所製嫁衣首飾納還繼母足不下

樓者五年翁以禮迎歸布衣蔬食事翁盡孝撫姪為子守貞三十二年

巴維藩妻汪氏

題旌冊年二十而寡事姑撫姪為嗣守節三十六年 以上五氏俱雍正

旨建坊旌表

十一年具題奉

沈廷揚妻郁氏

題旌冊年二十七夫亡子在襁褓氏事舅姑三十年生養兄塋咸盡禮子

長教以讀書敦行氏律身嚴謹足不踰戶觀族黨罕見其面守節三十七年

朱貞女

題旌冊朱倫之女許字吾定仁未婚定仁卒女年二十三間計易素服往夫家不返奉夫

遺像相對一室中為夫營塋已亦穿礦於旁志同穴也舅姑知其意堅以兩幼孫為之後撫教成立

守貞一十八年卒

張貞女

題旌冊張容書女許字葉仙芝仙芝卒女年十九未婚也聞訃服溲父母救免始議奔喪

舅姑以家貧氏幼恐矢志不終辭之女號泣剪髮詣夫家守總幃舅姑乃為之立繼盡心撫教後舅姑兩喪相繼竭履經營遂致病曰吾事畢矣戒其子勿進醫藥卧床一月而卒守貞三十年以上

旨建坊旌表
三氏俱雍正十二年具題奉

仇士毅妻朱氏

題旌冊年二十八夫亡勤儉持家至於子復生子已出就外傅氏猶不肖

自逸鳴機課讀不輟守節三十年雍正十三年具題候旌

張國柱妻徐氏

嘉興府志國柱卒氏屢欲身殉姑似密防之後數月防者稍疏遂乘間投

井死越五日蓋棺顏色不變後其孫時中舉康熙甲午解元人謂貞烈之報

潘文昇妻孫氏

嘉興府志紫雲村農女也適潘力農自給生一子纔二歲文昇死氏年二

十二矢志撫孤夫有叔日升與氏比屋居貧而無賴潛許鍾氏子氏矚知即績麻為繩匿之一日日升來曰吾憐汝少已善為汝地今夕當娶汝氏默不應設杯羹奠其夫自縊死有頃日升偕娶者至披其幃氏已氣絕矣去文昇死纔一月

印鴻玉妻徐氏

舊浙江通志甫及笄締姻鴻玉父為人所殺鴻玉驚痛成癰疾人事惘然

來議罷婚氏堅守從一之義告父歸印調其飲食寒煖不愈事之彌篤生不同衾死期同穴執姑之喪三年營厝五棺郡縣督學皆有旌表宜興陳維崧為作海鹽女歌

朱仍坦妻韓氏

舊浙江通志年二十八夫死子幼伯叔欲奪其志韓啗臂自誓終無二志

苦節五十年康熙
五年學使旌之

鄭琮妻朱氏

嘉興府志年十七于歸數月琮卒無子氏以死自誓琮有三兄惟仲氏舉一子

名旦復又客死氏至中年撫旦復次子藻又死再撫藻姪士榧甫成立而氏卒苦節五十餘年

錢光綬妻朱氏

嘉興府志年二十一夫亡無出氏自縊者再獲救而甦足不越閭勤女紅

以佐薪水翁姑年老伯叔俱亡氏親操井臼孝養備至苦節三十餘年

徐同貞妾趙氏

嘉興府志同貞卒時氏年二十餘布衣蔬食守貞不嫁或勸以無子不妨

再適氏嘆曰守志在我何論有子無子耶聞者莫不動容後年九十二卒

朱氏二節

嘉興府志朱泓妻項氏泓歿氏年二十六撫妾曹氏子之榮成立年七十而卒曹年

亦二十六勤苦守志至六十八而終

曹貞女

嘉興府志幼許字朱乘未婚而乘歿女年二十三矢志貞守縞素終身立嗣以延夫祀卒

年六十二
歷奉旌獎

洪琦妻徐氏

公舉事實年二十五夫亡遺腹生子田鈞氏欲以死殉曰孤雖小洪氏族入猶

能撫以成立第舅姑未塋子道有虧未亡人之責也於是塋舅姑既畢召族人托以家事及孤至夜自經死距夫歿時纔八月

倪天池妻許氏

公舉事實年十歲許字天池閨二年而父母亡天池染瘋疾翁辭婚族人

將許之氏曰吾父母九原之下知有倪氏耳誓死不從十八歸倪侍夫湯藥衣不解帶甫五月天池

卒越數年翁又逝夫兄魏恭迫氏嫁糾里豪張某率衆劫之氏呼天投水隣里驚救得免後又率衆至門氏毀面據井以待曰有入吾門者吾死此矣衆畏而退時內外無倚饗殮不繼族衆月給薪水以膳之卒年八十二

許雄妻孫氏

公舉事實雄孝事父母氏佐夫奉甘旨舅姑沒積女紅所得佐夫營喪葬鄉黨

咸稱之

孫氏二節

公舉事實朱氏孫宗堯妻張氏宗堯子成勲妻也朱年二十二宗堯亡撫孤有成年

六十三卒張年二十七成勲亡張事孀姑撫二孤蟹筐蠶績不憚勤勞年七十一歲猶躬親操作不

自暇逸云

蔡承宣妻何氏

蔡之翰妻莊氏

葉芳登妻馬氏

戴思育妻徐氏

盧思恩妻朱氏

馮春暉妻沈氏

陸文熙妻何氏

鄭交孚妻王氏

陸梁妻朱氏

顧惟貞妻祝氏

巴應奎妻汪氏

劉誠伯妻周氏

李維楨妻張氏

朱從龍妻項氏

祝宗錄妻曹氏

張然明妻黃氏

馮日宣妻陸氏

徐玉林妻馬氏

陳遇錫妻李氏

鄭沆妻吳氏

曹廷鑑妻徐氏

石門縣

元

吳守正妻禹氏

元史本傳名淑靖字素清紹興人至元十六年徙家崇德之石門嘗從容

謂守正曰方今羣盜蜂起萬一不測妾惟有死而已不使人汚此身也是年夏盜陷崇德淑靖倉皇攜八歲女登舟以避有盜數輩奔入其舟將犯淑靖乃抱幼女投河死

謹按舊浙江通志吳守正妻重見寧紹二府
今以死節處及墓地為斷載入嘉興餘並刪

明

錢昇母

嘉興府圖記崇德人佚其姓及夫名年二十而寡養姑教子詔旌之朱逢吉著節婦詞

周璵妻朱氏

兩浙名賢錄名玉蓮妊七月璵亡時年二十明年生男舅姑又相繼死身舉三

喪撫育遺孤乳乳寡居至親亦罕覩其面已而夫妹嫁為費遜妻歸一年遜死年十九喪葬畢歸與

玉蓮同居自名曰繼貞誓死無他里豪葉友文慕繼貞賄其族周安謀娶之不可得友文乃與大黠

朱勝謀勝為証訟於有司訊得其情坐友文而褒繼貞卒與玉蓮同完其節

譚弘妻沈氏

嘉興府圖記年十七歸弘三載弘卒遺孤方晬姑陸氏在堂氏前子婦也素不

蒙愛至是親子婦益間之氏有奴老而狡為陸謀去氏又謀其孤氏託父家鞠焉而身與羣婢力作父母憐而欲歸之氏不可久之陸悟棄奴收婦而還孤析產與親子婦等氏年八十餘而卒

方瑄妻沈氏

嘉靖浙江通志名淑寧海鹽人歸瑄十

服訖舅姑貧乏令歸依其母母以其少無子勸之改適不從母乃潛以許人淑寧覺之給其母往告外氏母行遂沐浴更衣自縊而死

丐烈婦

續文獻通考湖州人莫詳姓氏正德初湖飢婦與其夫及姑走崇德石門市乞食婦有殊

色市人欲挑之與之食不顧與之財亦不顧寓東高橋上伺夫與姑不至及三日聚觀者益衆乃從橋躍入水中死

衛蘭妻趙氏

嘉靖浙江通志名靜端年二十七而寡家貧遺孤在襁褓或勸之嫁氏指井誓

曰此井可改妾心不可改勿妄作說躬勤蠶織孝養舅姑舅姑亡極力營塋苦節四十餘年

周經妻范氏

正德崇德縣志適經為繼室經亡時年二十五無所出未幾翁與前妻子若婦

相繼歿氏殯四喪依姑朱氏育所遺襁褓孫貧不能存竊計自盡姑覺而止後姑歿亦具塋寡居六

十年始終一節

蔡烈婦

嘉靖浙江通志蔡天錫之女許嫁何鶴齡鶴齡無行兩家父母已俱議改婚婦誓死不從

遂歸鶴齡鶴齡日事賭博為偷兒婦輒泣諫不聽憤懣自經翁姑覺而解其繫翁死鶴齡不為理喪婦罄衣資治喪塋鶴齡反朝夕毆迫令婦從娼婦知不免乃沐浴更衣自經而死

朱阿妹

萬歷崇德縣志市民朱潮女被倭劫至城隍廟橋朱給曰吾偕祖母來有金可取倭信之

乘間投河頭觸石柱死祖母陸亦隨溺焉

姚菊香

萬歷崇德縣志市民姚縉義女聞倭至言笑自若衆嗤之菊香曰若輩第怕死耳死何怕

之有及倭至抱其子自沈於河數日屍浮水面母子相抱如生

陸道弘妻朱氏

萬歷崇德縣志年二十七抱三歲遺孤匿一樓為倭所獲劫之行氏給倭

今抱其孤下樓投井死

謹按姚菊香嘉興府志作蘭香陸道弘舊浙江通志作陳道弘均未詳孰是今從萬歷志

朱貴妻范氏

兩浙名賢錄倭犯境夫妻走避猝與倭遇倭揮刃殺貴氏厲聲奮臂爪倭面倭

怒剖其腹罵
不絕口而死

吳鑾妻戴氏

萬歷崇德縣志年二十五被倭執將污之以死力拒身被數刃而死

俞揖妻丁氏

萬歷嘉興府志父無嗣贅揖揖死時年二十九父黨有利其產者構豪右脅之

嫁氏斷髮毀容即返夫家
市書課子以苦節終其身

費貞女

萬歷嘉興府志費霞女名金菊許字范氏未婚而夫卒女號慟欲往父母阻之隨有議婚

者女泣曰吾心已死身豈再適其父潛許
嚴姓者納聘之日自經死殮時面如生

姜鍾妻屠氏

萬歷嘉興府志鍾卒氏年二十家貧外無倚遺孤幼荒歲捫腹竟日晏如也

沈懋學妻朱氏

萬歷嘉興府志夫亡氏年二十九家貧如罄宗人欲奪其志氏觸柱自絕

隣母救免族姑周以升斗堅
却不受自甘飢餓四十餘年

金梁妻陸氏

萬歷嘉興府志梁卒氏年二十生一女
家貧翁勸之更適泣曰生存一日亦一

日金門婦也何他之為
翁亦感泣苦節終身

朱氏二節

萬歷嘉興府志吳氏朱琪繼室琪歿時年
十八育前妻子糖長娶凌氏糖卒凌年二

十八家日索紡績孝養吳年八
十餘而終凌年七十一而終

徐棟妻葉氏

萬歷嘉興府志棟卒時年二十七堅貞
自守撫孤女年十六贅壻黃鈺婚甫八

月鈺卒女亦矢志守節女尋
卒年五十餘年終始如一

呂變妻張氏

萬歷嘉興府志變卒氏年二十五翁姑
繼歿翁有遺孤二十日臨終時囑婦育

之張撫如已出夫之所遺雖片
紙隻字不敢廢棄一以畀孤

張貞女

石門縣志許字吳玠未歸而玠亡女乞視殮
既至毀容斷髮死守吳門父母弗能強玠有

妹與嫂相激勵
亦沒齒不適人

沈伯潛妻費氏

嘉興府志歸四月而伯潛卒無子氏
坐卧樓上與一老婢織絁自給後樓

廢止豕圈旁婢行乞
斃於道氏未幾卒

陸蘭甫妻何氏

嘉興府志年二十七而寡以鐵束左
肱誓不變志歲飢捫腹孝養舅姑卒

年七
十五

陸嘉會妻朱氏

嘉興府志名純貞結褵十八日而夫
亡號痛赴水陸諸母救之謂曰舅老

無他子若死誰養氏遽其言後舅舉子冒然曰我
今可以死矣會有疾謝藥不服遺命以縞素殮與

嘉會同穴時

年甫三十

郁佩妻陳氏

石門縣志年十九夫亡遺子甫半歲家
貧無依氏忍死自誓姑老不能食嘗以

已乳乳之備嘗艱
苦卒年七十歲

茅煥妻錢氏

嘉興府志年二十三煥歿遺孤方六月
撫麻苧以食身衣蘆絮五十餘年卒

徐玉峯妻蔡氏

嘉興府志明末巨寇劫掠鎮中氏奔
避不及寇驅之至祇樹巷大罵不屈

寇以刃剗其胸
舍之去未幾卒

祝守道妻姚氏

石門縣志事姑盡孝明末氏家臨運
河亂兵猝至倉皇出門追逼者將及

路旁有池遂
奮身躍入死

祝聖世妻王氏

費敏妻勞氏

沈恒德妻俞氏

郭彥昭妻孫氏

呂塘妾胡氏

嚴璠妻姚氏

錢琦妻沈氏

李世妻杜氏

周楠妻呂氏

王良佐妻張氏

周滂妻陸氏

沈世英妻張氏

胡堯妻周氏

鍾若初妻姚氏

胡清妻徐氏

祝允勲妻葉氏

周鑾妻盧氏

胡岱妻顧氏

沈曰都妻鍾氏

沈大化妻張氏

王錫妻陸氏

郁維周妻馬氏

姚吉妻沈氏

張國諭妻沈氏

沈喬妻莊氏

趙良周妻沈氏

胡其久妾張氏

徐大經妻朱氏

胡獻忠妻呂氏

譚濟妻吳氏

平祿妻陸氏

范學詩妻周氏

丘秩妻姚氏

沈敬妻朱氏

范尚見妻樂氏

沈棟妻徐氏

葉承光妻徐氏

范光宸妻朱氏

張國瑜妻周氏

國朝

范學醇妻陸氏

嘉興府志年二十四夫亡毀容截髮誓無二志勤機杼以養舅姑舅姑歿

喪塋盡禮教二子有成守節五十八年

黃中色妻楊氏

嘉興府志年十九而夫卒遺腹生子榮有覲其家業欲謀害其孤者氏防

護備至卒能撫孤成立橫逆亦皆愧服守節四十年以上二氏俱康熙十一年具題奉

旨建坊旌

表

朱元凱妻費氏

嘉興府志年二十五而寡止一女矢志不二事舅姑以孝聞撫姪雯為嗣

教之讀書舉進士
守節四十二年

姚寅麟妻梁氏

嘉興府志年二十四而寡子斌甫六歲撫訓成立又卒復撫孫琅長為安

慶守矢節五十六年
具題奉
以上二氏俱康熙十七年

旨建坊旌

表

史廷驪妻湯氏

題旌冊年二十七而夫亡氏堅貞矢志事舅姑生養死墓無失禮方廷驪

卒時長子正甫四歲次子標纔四月氏殫心教育卒能成立康熙四十五年具題奉

旨建坊旌

表

田方耒妻印氏

題旌冊年二十一而寡夫前妻遺二子俱幼氏撫育成立守節四十三

雍正八年具題奉旨建坊旌表

鍾氏二節

題旌冊鍾信瑞妻馬氏信瑞亡氏年二十五無子繼姪虞傳為嗣撫長娶媳陳氏未

半載虞傳亦亡陳年二十二孀姑寡媳一室筑筑相依至老馬氏守節三十五年卒陳氏守節二十

年八

沈驛妻王氏

題旌冊年二十七而寡遺孤二長僅四齡次甫三月中遭回祿室廬盡燬艱苦

茹荼守節六十二年以上三氏俱雍正九年具

題奉

旨建坊旌

表

趙學恕妻王氏

題旌冊年二十五歸學恕甫二載而夫亡遺孤襁褓翁以家貧年幼諭令

更適氏矢死不二事翁孝教子嚴翁亡親負土以塋苦節三十七年雍正十年具題奉

旨建坊旌

表

胡尊經妻吳氏

題旌冊年二十八夫亡上有兩世尊璋下有二孤儒門寒素氏力勤紡績

佐薪水迨祖翁姑及姑歿喪塋之事無不盡心經理事舅益孝謹教子家瑞家修俱有聲費序守節

二十
七年

田澍妻王氏

題旌冊年十九適澍二十三而寡無子乃請於舅姑擇襁褓祿兒撫育承祀守節

三十
八年

葉金枝妻鄭氏

題旌冊年二十八夫亡遺子二氏勤女紅養舅姑舅姑歿力營宅宇延師

訓子俾克成立今子復生子家業稍裕守節二十
五年以上三氏俱雍正十二年具題奉

旨建坊旌

表

沈昂妻吳氏

題旌冊昂家貧授徒於外氏家居事舅姑姑歿鬻簪珥殯殮夫以哀毀卒舅悲

傷致疾又卒氏年二十七疊遭三喪衣資罄盡服
闋攜孤至母家紡織自給子長始歸守節五十三

年雍正十三
年具題候旌

夏承啟妻周氏

嘉興府志順治初氏被兵掠將逼汚之堅拒不從罵不絕口而死

金貞女

嘉興府志錢林里農家金明和女順治六年間里中盜倡擄父無力遷避是年十月盜沿

村劫掠女被執欲汚之時年十五罵拒不屈投水死

聞氏二節

石門縣志聞昌言妻沈氏年二十四昌言卒第昌允妻魏氏年二十二昌允卒妯娌

和敬事舅姑俱孝教子咸有義方魏氏子僅百日而能令成立其荼苦更甚

俞文表妻傅氏

嘉興府志嫁俞七載夫亡誓以身殉親戚勸止之氏曰我若有子死則負

夫今無子夫兄第四人止一姪并無可繼不死何待殮之夕哭絕復蘇至曉自經死年二十五又呂

懿緒妻徐氏夫亡服闋吞耳環死
業妻戴氏夫亡服闋吞耳環死

沈貞女

嘉興府志年十四許字姚濂濂貧不能娶以病卒父母匿不以告氏聞哀號不輟求往夫

家父母力止不從絕粒吞錢求死乃許歸姚進以銷錢之藥得不死遂縞素而往乞青衣見舅姑畢即易哀經請繼姪為嗣終喪三年閉戶服瀣嘔出復以刀割喉血流不死家人救甦已而絕粒至三十二日復吞錢十餘枚乃死年二十三

顏雪姑

嘉興府志顏志曜女許字同邑陸某陸未婚卒姑矢志守貞四十餘年同時陸自顯女許

聘沈某亦未婚而沈陸往視殮即留其家閉門姑素終其身

施貞女

嘉興府志農人施裕泉女許聘魏君瑞未嫁而君瑞以遠商卒於道時施年二十一斷髮

自誓勤紡織以奉

母歷四十餘年

馬毓奎妻王氏

公舉事實年二十五夫亡氏撫屍慟哭即於是夜扃戶自經死

沈思忠妻陳氏

胡秉忠妻鍾氏

姚榮祖妻王氏

吳爾壘妻徐氏

吳爾簾妻翁氏

沈橘妻李氏

陳文龍妻俞氏

張世祿妻孫氏

俞振麟妻談氏

吳爾壯妻沈氏

沈起龍妻衛氏

范期隆妻許氏

勞倣昭妻虞氏

何繼源妻李氏

沈神鑒妻游氏

沈師孝妻張氏

胡爾明妻劉氏

勞永嘉妾許氏

平海妻蔡氏

黃國俊妻張氏

顧鏡妾楊氏

魏國榮妻周氏

吳鐔妾徐氏

李炳妻陳氏

沈大源妻朱氏

章城妻顧氏

魏廷妻談氏

徐允升妻沈氏

姚鏐妻范氏

沈培芳妻朱氏

沈天錫妻范氏

吳學洙妻邱氏

姚之臣妻唐氏

姜序妻宋氏

沈調元妻陳氏

吳湘妻俞氏

衛武妻張氏

宋灝妻茅氏

沈景妻薛氏

胡煌妻沈氏

孫登明妻葉氏

沈全麟妻李氏

吳尚思妻沈氏

胡明遠妻沈氏

徐鑣妻孫氏

勞佑銘妻許氏

勞于銓妻徐氏

陸秀公妻孫氏

胡燮妻蕭氏

勞祖勲妻曹氏

郭升采妻吳氏

朱仙培妻吳氏

沈國泓妻茅氏

吳汭妻費氏

吳漢妻沈氏

吳濤妻王氏

曹有基妻沈氏

呂琦妻陸氏

朱灝妻吳氏

朱之陞妻曹氏

沈銓妻施氏

謝永昌妻宋氏

鍾起鵬妻朱氏

勞佑錦妻徐氏

顧函三妻黃氏

沈廷桂妻楊氏

邵啟棠妻徐氏

胡鳴陽妻田氏

吳雲龍妻金氏

張霽妻楊氏



浙江通志卷二百五